

顏
氏
家
訓

顏氏家訓卷第五

省事

止足

誠兵

養生

歸心

省事第十二

銘金人云無多言多言多敗無多事多事多患

家語觀周篇孔子觀於周廟見

金人三緘其口而銘其背云云

至哉斯戒也能走者奪其翼善飛者滅其指有

角者無上齒豐後者無前足蓋天道不使物有兼焉也

補大戴禮易本

命篇四足者無刺翼戴角者無上齒無角者膏而無前齒有角者脂而無後齒漢書董仲舒傳夫天亦有所分子子之齒者去

其角傳其翼者兩其足傳讀曰附

古人云多爲少善不如執一鼯鼠五能不成

伎術

鼯當作鼯爾雅釋獸鼯鼠注形大如鼠頸似兔尾有毛青黃色好在田中食粟豆關西呼爲鼯鼠說文鼯五伎鼠也

能飛不能過屋能緣不能窮木能游不能度谷能穴不能掩身能走不能先人補爾雅釋文鼯或云卽螻蛄也鼯郭音雀將略

反詩碩鼠正義

近世有兩人朗悟士也性多營綜

補謂多所經營綜理也說

引作譚音瞿

也子宋切略無成名經不足以待問史不足以討論文章無可

傳於集錄書迹未堪以畱愛翫卜筮射六得三

補射食亦切

醫藥治

十差五

補差楚懈切

音樂在數十人下弓矢在千百人中天文畫繪

碁博

補畫胡卦切碁圍碁博六博

鮮卑語

宋本有胡書二字係衍文

煎胡桃油鍊錫爲銀

補鮮卑語已見教子篇北齊書祖珽傳陳元康薦珽才學并解

鮮卑語珽善爲胡桃油以塗畫蓋此數者皆當時所向也神仙

傳載尹軌能鍊鉛爲銀後世亦有

如此之類略得梗槩補梗槩大略也

得其術者然久未有不變者也

皆不通熟惜乎以彼神明若省其異端當精

詳綜注張衡東京賦梗槩不纖密

妙也

補省所景切

上書陳事起自戰國

案若蘇秦蘇厲范雎韓非黃歇之輩皆是

逮於兩漢風流彌廣

見下文 原其體度攻人主之長短諫諍之徒也訐羣臣之得失訟

訴之類也陳國家之利害對策之伍也帶私情之與奪遊說之

儔也補說舒總此四塗賈誠以求位補賈鬻言以干祿或無絲

毫之益宋本絲而有不省之困補不省不見省幸而感悟人主

爲時所納初獲不貲之賞補不貲亦作不訾顏師古注漢書蓋

貴重之終陷不測之誅則嚴助朱買臣吾丘壽王主父偃之類

甚眾良史所書蓋取其狂狷一介論政得失耳非士君子守法

度者所爲也漢書嚴朱吾丘主父嚴終王賈傳嚴助會稽吳人

後得朱買臣吾丘壽王司馬相如主父偃徐樂嚴安東方朔枚

皋膠倉終軍嚴蔥奇等並在左右及淮南王反事與助相連棄

市朱買臣字翁子吳人詣闕上書會邑子嚴助貴幸薦買臣拜

爲中大夫與助俱侍中後告張湯陰事湯自殺上亦誅買臣吾

丘壽王字子贛趙人爲侍中中郎坐法免上書願擊匈奴拜東
郡都尉徵入爲光祿大夫侍中後坐事誅主父偃齊國臨淄人
上書闕下朝奏暮召入見所言九事其八事爲律令一事諫伐
匈奴是時徐樂嚴安亦俱上書言世務上召見三人謂曰公皆
安在何相見之晚也皆拜爲郎中偃數上疏言事歲中四遷大
臣皆畏其口賂遺累千金爲齊相刺齊王陰事王自殺上大怒
徵下吏治公孫宏以爲齊王自殺無後非誅偃無
以謝天下遂族偃補吾丘音虞上主父音主甫
今世所覩懷
瑾瑜而握蘭桂者悉取爲之補瑾瑜美玉蘭桂皆有異香以喻

也守門詣闕獻書言計率多空薄高自矜夸無經略之大體咸

糠粃之微事補粃悲里切宋本作糝糠莊子遺十條之中一不

足採縱合時務已漏先覺非謂不知但患知而不行耳或被發

姦私面相酬證事途迴穴補迂迴叢冗言所值之翻懼慙尤補

與翻同慙俗慙字人主外護聲教脫加含養補脫者或此乃僥倖之徒

不足與比肩也

補言不足與之併肩事主也

諫諍之徒以正人君之失爾必在得言之地當盡匡贊之規不容苟免偷安垂頭塞耳至於就養有方

禮記檀弓上事君有犯而無隱左右就養有方

思不出位干非其任斯則罪人故表記云事君遠而諫則諂也近而不諫則尸利也

表記禮記篇名

論語曰未信而諫人以爲謗已也

君子當守道崇德蓄價待時爵祿不登信由天命須求趨競不顧羞慙比較材能斟量功伐

補量音良伐亦功也莊廿八年左氏傳日旌君伐

厲色揚

聲東怨西怒或有劫持宰相瑕疵而獲酬謝或有誼聒時人視

聽求見發遣

補猶今選人之在吏部者先求分發

以此得官謂爲才力何異盜食

致飽竊衣取溫哉世見躁競得官者便謂

舊作爲下同古亦通用

弗索何

獲

左氏昭廿七年傳吳公子光曰上國有言曰不索何獲補索所白切

不知時運之來不求亦至

也

不求舊作不然屠木作不索今案當作不求

見靜退未遇者便謂弗為胡成

書太甲下

弗慮胡獲弗為胡成

不知風雲不與徒求無益也

易乾文言傳雲從龍風從虎後漢書劉聖公傳

贊聖公靡聞假我風雲又二十八將傳論咸能感會風雲奮其智勇

凡不求而自得求而不得者

焉可勝算乎

補焉於虔切勝音升

齊之季世多以財貨託附外家誼動女謁

北齊書恩倖傳穆提婆本姓駱漢陽人提

婆母陸令萱嘗配人掖庭大為胡后所昵愛令萱姦巧多機辯取媚百端宮掖之中獨擅威福天統初奏引提婆入侍後主官

至錄尚書事封城陽王令萱又媚穆昭儀養之為母提婆遂改姓穆氏及穆后立令萱號曰太姬武平之後令萱母子勢傾中

外生殺子奪不可盡言補說苑君拜守宰者印組光華車騎輝道篇湯之時大旱祝曰女謁盛邪

赫補古者居官人各一印後世凡同曹司者共一印組即綬也所以繫佩者漢書嚴助傳方寸之印丈二之組騎其容切

榮兼九族

補注已見兄弟篇

取貴一時

補北齊書後主紀任陸令萱和士開高阿那肱穆提婆韓長鸞

等宰制天下陳德信鄧長顯何洪珍參預機權各引親黨超居非次官由財進獄以賄成帑藏空竭乃賜諸佞俸賣官或得郡兩三或得縣六七各分州郡下逮鄉官亦多中降者而爲執政所患隨而伺察既以利得

必以利治微染風塵便乖肅正

補風塵易以汚人言不能清潔也

坑穽殊深瘡

痍未復

補瘡榮美切復房六切

縱得免死莫不破家然後噬臍亦復何及

補左氏莊六年傳楚文王過鄧鄧三甥請殺之曰若不早圖後君噬齊復扶又切

吾自南及北未嘗一

言與時人論身分也

補分扶問切

不能通達亦無尤焉

王子晉云佐饗得嘗佐鬪得傷

王子晉周靈王之太子也周語佐誰者嘗焉佐鬪者傷焉誰

與饗通

此言爲善則預爲惡則去不欲黨人非義之事也凡損於

物皆無與焉

補與音預

然而窮鳥入懷仁人所憫

魏志邴原傳原與同郡劉政俱有勇

渭南嚴氏孝

略雄氣遼東太守公孫度畏惡欲殺之政窘急往投原裴松之注引魏氏春秋曰政投原曰竊鳥入懷原曰安知斯懷之可入

邪況死士歸我當棄之乎伍員之託漁舟史記伍子胥傳伍子胥者楚人也名員奔

吳追者在後有一漁父乘船知季布之入廣柳同上季布傳季布者楚人也為

伍得之急乃渡伍胥補員音云季布之入廣柳同上季布傳季

氣任俠有名於楚項籍使將兵數窘漢王及項羽滅高祖購布千金布匿濮陽周氏周氏獻計髡布衣褐衣置廣柳車中之

魯朱家所賣之朱家心知是季布買而置之田誠其子與同食補集解服虔曰東郡謂廣轍車為廣柳車鄒展曰喪車也李奇曰大隆穹也瓚曰今運轉大車是也索隱禮曰設柳嬰

鄭康成注周禮云柳聚也諸飾所聚則是喪車稱柳孔融之

藏張儉後漢書黨錮傳張儉字元節山陽高平人孔融傳融字文舉魯國人孔子二十世孫也山陽張儉為中常侍侯

覽所惡刊章捕儉儉與融兄袁有舊抵袁不遇時融年十六見其有窘色謂曰吾獨不能為君主邪囚甯舍之後事泄儉得脫兄弟爭死詔孫嵩之匿趙岐同上趙岐傳岐字季雍京兆長

書竟坐寢焉孫嵩之匿趙岐同上趙岐傳岐字季雍京兆長

玆為京兆尹收其家屬盡殺之岐逃難自匿姓名賣餅北海市中時安邱孫嵩游市察非常人呼與共載岐懼失色嵩屏人語

曰我北海孫賓石闔門百口勢能相濟遂以俱歸藏夜壁中前代之所貴而吾之所行也以

此得學宋本作甘心瞑目至如郭解之代人報讎史記游俠傳郭解軼人也

字翁伯爲人短小精悍以軀借交報仇灌夫之橫怒求地同上魏其侯傳武安侯田蚡爲丞相使籍福請

魏其城南田不許灌夫聞怒罵籍福福惡兩人有郗乃謾自好

謝丞相已而武安聞魏其灌夫實怒不予田亦怒曰蚡事魏其

無所不可何愛數頃田且灌夫何與也由游俠之徒非君子之

此大怨灌夫魏其補橫戶孟切次下同所爲也補史記游俠傳集解荀悅曰尙意氣作如有逆亂之行

補下得罪於君親者又宋本不足卹焉親友之迫危難也補難

切家財已力當無所吝若橫生圖計無理請謁非吾教也墨翟

之徒世謂熱腹楊朱之侶世謂冷腸腸不可冷腹不可熱當以

仁義爲節文耳補仁者愛人而施之有等義者正己而處之得

空墨氏之兼愛疑於仁而實害於仁楊氏之爲渭南嚴氏孝

我疑於義而實害於義是以孟子必辭而闕之

前在修文令曹

本傳河清未待詔文林館大為祖珽所重令掌知館事

有山東學士與關

中太史競歷

隋書百官志祕書省領著作太史二曹太史曹置令丞各二人司歷二人監候四人其歷天文漏刻

視校各有博士及生員

凡十餘人紛紛累歲

補累力

內史牒付議官平之

同上內史省置令二人侍郎四人補牒徒叶切說文札也廣韻書版曰牒案後世官府移文謂之牒平平議也後漢書霍誦傳

前者溫教許為平議

吾執論曰大抵諸儒所爭四分并減分兩家耳

續漢律歷

志元和二年太初失天益遠召治歷編訢李梵等綜校其狀遂下詔改行四分以遵於堯熹平四年蒙公乘宗緝孫誠上書言

受紺法術當復改誠術以百三十五月二十三食為法乘除成月從建康以上減四十一建康以來減三十五 歷象之

要可以晷景測之

補晷古委切日景也景古影字葛洪始加多詳見木書書論篇

今驗其分至

薄蝕則四分疎而減分密疏者則稱政令有寬猛運行致盈縮

非算之失也密者則云日月有遲速以術求之預知其度無災
祥也用疏則藏姦而不信用密則任數而違經且議官所知不
能精於訟者以淺裁深安有官服既非格令所司幸勿當也與
曹貴賤咸以爲然有一禮官恥爲此讓俗本作議苦欲留連強加攷

覈

補強其兩切覈下革切與核同

機杼旣薄無以測量

補機杼言其曾中之經緯也

還復採

訪訟人

補復扶又切

窺望長短朝夕聚議寒暑煩勞背春涉冬

補背蒲妹

切竟無予奪怨誚滋生赧然而退終爲內史所迫此好名

俗本有好

事二字

之辱也

元注一本此好名好事之爲也

止足第十三

禮云欲不可縱志不可滿

見禮記曲禮上

宇宙可臻其極情性不知其

竊唯枉少欲知足

俗本作止

爲立涯限爾先祖靖侯

補之推九世祖名舍已釋在治

家戒子姪曰汝家書生門戶世無富貴自今仕宦不可過二千

石

補案自漢以來官制有中二千石二千石比二千石此但不至公耳然於官品亦優矣邴曼容爲官不官過六百石輒自

免去豈不婚姻勿貪勢家吾終身服膺以爲名言也

天地鬼神之道皆惡滿盈謙虛沖損可以免害

易謙象傳天道虧盈而益謙地

道變盈而流謙鬼神害盈而福謙人道惡盈而好謙

人生衣趣以覆寒露食趣以塞飢乏

耳

補趣者僅足之意與孟子楊子取爲我之取同覆敷救切

形骸之內尙不得奢靡已身之

外而欲窮驕泰邪周穆王秦始皇漢武帝富有四海貴爲天子

不知紀極

補左氏文十八年傳文

猶自敗累

補良偽切

況士庶乎

昭十二年左氏傳子革對

楚子昔穆王欲肆其心周行天下將皆必有車轍馬跡焉史記秦本紀造父以善御幸于周繆王得驥溫驪騂騄耳之駒巡

狩樂而忘歸徐偃王作亂造父爲繆王御一日千里以救亂秦
始皇紀二十六年秦初并天下除諡法爲始皇帝治馳道築長
城作阿房宮求不死藥焚詩書阮諸生三十七年七月崩于沙
邱平臺桓譚新論漢武帝材質高妙有崇先廣統之規然多過
差旣欲斥境廣土又乃貪利爭物開大宛有名馬攻取歷年士
眾多死但得數十匹耳多徵會邪僻求不急之方大起宮室內
竭府庫外罷天下常以爲二十口家奴婢盛多不可出二十人
此可謂通而蔽矣

良田十頃堂室纔蔽風雨車馬僅代杖策蓄財數萬以擬吉凶

急速不啻此者

宋本有皆字

以義散之

補啻與翅同不啻不但言過之也

不至此者

勿非道求之

仕宦稱泰不過處在中品前望五十人後顧五十人足以免恥

辱無傾危也高此者便當罷謝偃仰私庭吾近爲黃門郎

隋書百官

志上門下省置侍中給事黃門侍郎各六人

已可收退當時羈旅懼罹謫謫思爲此

計僅未暇爾自喪亂已來補喪蘇見因託風雲徵倖富貴且執

機權夜填坑谷朔歡卓鄭晦泣顏原者非十人五人也慎之哉

慎之哉補史記貨殖傳蜀卓氏之先趙人也徙臨邛富至僮千

人田池射獵之樂擬於人君程鄒山東遷虜也亦治鑄

富埒卓氏顏原謂顏淵原思非十人五人言如此者其人眾多也

誠兵第十四

顏氏之先本乎鄒魯或分人齊世以儒雅為業徧在書記仲尼

門徒升堂者七十有二顏氏居八人焉史記仲尼弟子傳孔子

曰受業身通者七十有

七人皆異能之士也顏回字子淵魯人顏無繇字路回之父顏

幸字子柳顏高字子驥顏祖字襄顏之僕字叔顏曾字子聲顏

何字冉皆魯人案今家語止七十六人蓋脫去顏何一人索隱

於史記顏何下引家語云字稱今史記字冉蓋傳寫脫其半耳

索隱明言家語與史記同則其為誤脫更

明甚今家語顏高作顏刻顏祖作顏相

秦漢魏晉下逮齊梁

未有用兵以取達者春秋世顏高顏鳴顏息顏羽之徒皆一闕

夫耳

定八年左氏傳公侵齊門於陽州士皆坐列曰顏高之弓六鈞皆取而傳觀之

陽州人出高弩人弱弓籍邱子鉏擊

之與一人俱斃偃且射子鉏中頰媵顏息射人中脅退曰我無勇吾志其日也昭廿六年傳齊師圍成師及齊師戰于炊鼻林

雍羞爲顏鳴右下苑何忌取其耳顏鳴去之苑子之御曰視下顧苑子刺林雍斷其足鑿而乘於他車以歸顏鳴三入齊師呼

日林雍乘又哀十一年傳齊國書高無平帥師伐我及清孟孺子洩帥右師顏羽御郟洩爲右戰于郟右師奔孟孺子語人曰

我不如顏羽而賢於郟洩子羽銳齊有顏涿聚

補韓非十過篇敏我不欲戰而能默洩曰驅之

海而樂之顏涿聚曰君遊海而樂之奈人有圖國者何君雖樂之將安得田成子援戈將擊之顏涿聚曰昔桀殺關龍逢而紂殺王子比干今君雖殺臣之身以三之可也臣言爲國非爲身也君乃釋戈趣駕而歸聞國人有謀不內田成子者矣說苑正

諫篇以爲諫齊景公顏涿聚作顏燭趨左傳作顏涿

聚史記古今人表俱作顏濁鄒他書說者不具出

元注或作聚段云取才句切上多一點是俗最字補史記趙世家幽繆王遷七年秦人攻趙趙大將李牧將軍司馬向將擊之

渭南嚴氏孝

李牧誅司馬尙免趙忽及齊將顏聚代之趙忽軍破顏聚去

馮唐傳遷用郭開讒卒誅李牧令顏聚代之索隱聚音以喻反

漢書漢末有顏良延於白馬太祖殺之與良戰破斬之宋有顏

延之案宋書顏延之傳嘗領步兵校尉未嘗爲將軍其子竣傳云竣字上遜世祖踐阼以爲侍中遷左衛將軍丁憂起爲

右將軍以所陳多不被納頗懷怨憤免官竣頗啓謝罪并乞性命上愈怒及竟陵王誕爲逆因此陷之於獄賜死竝處

將軍之任竟以顛覆補方漢郎顏驕自稱好武報切呼更無事

迹漢武故事顏驕不知何許人文帝時爲郎武帝嘗過郎署見驕龐眉皓髮問曰叟何時爲郎何其老也對曰臣文帝時爲

郎文帝好文而臣好武至景帝好文而臣貌醜陛下即位爲好少而臣已老是以三世不遇上感其言擢拜會稽都尉顏忠

以黨楚王受誅後漢書楚王英傳永平十三年男子燕廣告英與漁陽王平顏忠等造作圖書有逆謀事下案

驗廢英徙丹陽涇縣自殺坐死徙者以千數顏俊以據武威見殺詳得姓已來無清

操者唯此二人皆罹禍敗頃世亂離衣冠之士雖無身手身

勇力習武藝者故杜少陵詩云湖方健兒好身手

或聚徒眾違棄素業微倖戰功吾既

羸薄

補羸力追切

仰惟前代故實心於此

補惟思也實猶息也

子孫誌之孔子

力翹門關不以力聞

列子說符篇孔子之勁能招國門之闢而不可力聞案招與翹同舉也補此或孔子父叔梁紇事見左氏襄十年傳偃陽人啓門諸侯之士門焉縣門發聊人紇杖之以出門者後遂移之孔子此聖證也

也

補王肅有聖證論此語所本吾見今世士大夫纔有氣幹

補氣力強幹便倚賴

之不能被甲執兵以衛社稷但微行險服

補微行易爲姦也險服如曼胡之纓短後

是之衣

逞弄拳擊

補說文手擊也揚雄曰擊握也大則陷危亾小則

貽恥辱遂無免者

案下當分段重校正孔

子力翹門關起當分段

國之興亾兵之勝敗博學所至幸討論之入帷幄之中

補漢書高帝紀

通籌帷幄之中決勝千里之外吾不如子房

參廟堂之上不能爲主盡規以謀社稷

君子所恥也然而每見文士頗讀兵書微有經略若居承平之

世俗本無居

睥睨宮闈

補睥睨猶言占察漢書竇田列傳作辟倪亦作俾睨睥睨同匹詣研計二切

幸災樂禍首爲逆亂註誤善良

補詩音卦廣雅欺也

如在兵革之時構扇

反覆縱橫說誘

補縱卽容切亦作從橫戶盲切說始芮切

不識存亡強相扶戴

補強其兩

切扶戴謂推奉以爲主也

此皆陷身滅族之本也誠之哉誠之哉

案下當分段

習五兵

周禮夏官司兵掌五兵注鄭司農曰戈殳戟酋矛夷矛此車之五兵步卒之五兵則無夷矛而有弓矢便

乘騎

宋本倒補正俗本騎其寄切

可稱武夫爾今世士大夫但不讀書卽

宋本有

稱武夫兒乃飯囊酒甕也

補金樓子立言篇福衡云苟或強可與言餘人皆酒甕飯

囊

養生第十五

神仙之事未可全誣但性命在天或難種植

重校正宋本作鍾值

人生居

世觸途牽縶

補陟立切詩小雅白駒傳絆也

幼少之日既有供養之勤

補少詩照切供

居用切養餘亮切

成立之年便增妻孥之累衣食資須公私驅役而望

遁跡山林超然塵滓千萬不遇

俗本作過

一爾加以金玉之費鑪器

所須益非貧士所辦

抱朴子金丹篇昔左元放授人授之金丹

矣資無僮石無以爲之但有長歎耳又云朱草喜生巖石之下

刻之汁流如血以玉及八石金銀投其中便可丸如泥久則成

水以金投之名爲金漿

學如牛毛成如麟角

蔣子萬機論學者如牛毛

成者如麟角

華山之下白骨如莽

華山仙人多居焉初學記引華山

山下有集靈宮漢武帝欲懷集仙者故名今云白骨如莽言其

不可信也左氏哀元年傳吳日傲於兵暴骨如莽杜注草之生

於廣野莽莽然故曰草莽補注孔叢子陳士義篇魏王曰吾聞道士登華山則長生不死意亦願之對曰古無是道非所願也

何有可遂之理考之內教縱使得仙終當有死不能出世不願

汝曹專精於此若其愛養神明調護氣息慎節起臥均適寒暄

禁忌食飲將餌藥物遂其所稟不爲夭折者吾無閒然補抱朴子極言

篇養生之方唾不及遠行不疾步耳不極聽目不久視坐不至

久臥不及疲先寒而衣先熱而解不欲極飢而食食不過飽不

欲極渴而飲飲不過多不欲甚勞甚逸冬不欲極溫夏不欲窮

涼大寒大熱大風大霧皆不欲冒之五味入口不欲偏多臥起

有四時之早晚興居有至和之常制忍怒以全陰氣抑喜諸藥

以養陽氣然後先服草木以救虧缺後服金丹以定無窮諸藥

餌法不廢世務也庾肩吾常服槐實年七十餘目看細字鬚髮

猶黑梁書文苑傳庾於陵弟肩吾字子慎太宗在蕃雅好文章士與東海徐摛吳郡陸杲彭城劉遵劉孝儀孝威同被賞

接太清中侯景陷京師逃赴江陵未幾牽名醫鄴中朝士有單

別錄槐實味酸鹹久服明目益氣頭不白延年鄴中朝士有單

服杏仁枸杞黃精朮車前宋本作煎得益者甚多不能一一說

爾

元注一本無此六字補晉書地理志魏郡鄴魏武受封居此案古有服杏金丹法云出左慈除瘡盲孿跛疝痔癩癩瘡腫

萬病皆愈久服通靈不死云云其說妄誕杏仁性熱降氣非可久服之藥本草經枸杞一名杞根一名地骨一名地輔服之堅

筋骨輕身耐老博物志黃帝問天老曰天地所生豈有食之令人不死者乎天老曰太陽之草名曰黃精餌而食之可以長生

列仙傳涓子好餌求節食其精三百年神仙服食經車前實雷之精也服之行化八月採地衣地衣者車前實也吾嘗

患齒搖動欲落飲食熱冷皆苦疼痛見抱朴子牢齒之法早朝

叩宋本齒三百下爲良行之數日卽便俗本脫平愈今恆持之

此輩小術無損於事亦可脩也凡欲宋本餌藥陶隱居太清方

中總錄甚備但須精審不可輕脫俗本作服今從宋本梁書陶宏景傳字通明丹陽秣陵人

止於句容之句曲山曰此山下是第八洞天名金壇華陽之天乃中山立館自號華陽隱居天監四年移居積金東湖善辟穀

導引之法年逾八十而有壯容大同二年卒年八十五隋書經籍志太清草木集要二卷陶隱居撰近有王愛州

補隋書地理志九
眞郡梁置愛州

在鄴學服松脂不得節度腸塞而死爲藥所

誤者甚多

本草松脂一名松膏久服輕身不老延年
文選古詩服食求神仙多爲藥所誤

夫養生者先須慮禍全身保性有此生然後養之勿徒養其無
生也單豹養於內而喪外張毅養於外而喪內前賢所戒也

達生篇善養者如牧羊視其後者而鞭之魯有單豹者巖居而
水飲不與民共利行年七十而猶有嬰兒之色不幸遇餓虎餓
虎殺而食之有張毅者高門懸薄無不走也行年四十而有內
熱之病以死豹養其內而虎食其外毅養其外而病攻其內此

二子者皆不鞭其後者也補又嵇康著養生之論而以傲物受
見呂氏春秋必己篇喪息浪切

刑李善注文選引嵇喜爲康傳曰康性好服食常采御上藥以
刑爲神仙稟之自然非積學所致至於導養得理以盡性命若

安期彭祖之倫可以善求而
得也著養生篇餘已見前石崇翼服餌之徵元注一本
作延年而以

貪溺取禍補文選石季倫思歸引序又好服食咽氣志在
傲然有陵雲之操晉書石苞傳苞少子崇字季倫生

於齊州故小名齊奴少敏惠有謀財產豐積後房百數皆曳純
繡珥金翠絲竹盡當時之選庖膳窮水陸之珍嘗與王敦入太
學見顏回原憲象歎曰若與之同升孔堂去人何必有間敦曰
不知餘人云何子貢去卿差近崇正色曰士當身名俱泰何至
甕牖間哉崇有妓曰綠珠孫秀使人求之崇盡出數十人以示
之曰任所擇使者曰本受命索綠珠崇曰吾所愛不可得也秀
怒乃矯詔收崇綠珠自殺樓下而往世之所迷也

夫生不可不惜不可苟惜涉險畏之途千禍難之事

補難乃且切次下同

貪欲以傷生讒慝而致死此君子之所惜哉行誠孝而見賊履

仁義而得罪喪身以全家

補喪息浪切

泯軀而濟國君子不咎也自

亂離已來吾見名臣賢士臨難求生終爲不救徒取窘辱令人

憤懣

補難乃且切令力呈切懣音悶

侯景之亂王公將相多被戮辱妃主姬妾

略無全者唯吳郡太守張暉建義不捷爲賊所害辭色不撓

梁書

張嶷傳嶷字四山鎮北將軍稷之子也大同中遷吳興太守太清二年侯景陷宮城嶷收集士卒繕築城壘賊遣使招降之嶷斬其使爲劉神茂所敗乃釋戎服坐聽事賊臨之以及鄱陽王刃終不爲屈乃執以送景子弟同遇害者十餘人

世子謝夫人登屋詬怒見射而斃夫人謝遵女也

梁書鄱陽王恢傳

以晉熙爲晉州遣子嗣爲刺史嗣字長胤性驍果有膽略傾身養士能得其死力範薨嗣猶據晉熙侯景遣任約來攻嗣出壘距之時賊勢方盛成勸且止嗣按劍叱之曰今之戰何有退乎此蕭嗣效命死節之秋也遂中流矢卒於陣案南史但言妻子爲任約所虜何賢智操行若此之難婢妾引決若此之易悲夫

蓋史脫略補操七到切行下孟切漢書司馬遷傳臧獲婢妾猶能引決易以破切

歸心第十六

補高安朱文端梓此書深斥此篇以其崇釋而輕儒也北平黃崑圃少宰所梓乃全

文有一學者猶以爲不立勸當刪去余謂昔人之書美惡皆當仍之使後人得悉其所學之純駁自爲審擇可耳余於釋氏之書寓目者少不能如李善之注頌陀引碑覽者幸無尤焉重校唐終南山釋道宣廣明集引

此文今取以校

三世之事信而有徵

三世過去未來現在也

家世歸心

宋本作業此

勿輕慢也

其間妙旨具諸經論

內典經律論各一藏謂之三藏

不復於此少能讚述但懼

汝曹猶未牢固略重勸誘爾

補復扶又切重直用切宋本作動非

原夫四塵五塵

剖析形有

補楞嚴經我今觀此浮根四塵祇在我面如是識心實居身內注四塵色香味觸也五塵即五陰亦名五

蘊心經照見五蘊皆空注五蘊者色與受想行識也五者皆能蓋覆真性封蔽妙明故總謂之蘊亦名五陰亦名五眾重校廣

宏明集

六舟三駕運載羣生

補梁簡文帝唱導文帝釋淵廣泛般若之舟淨居深沈駕牛車之美

王勃龍華寺碑四門幽闢願非相而遲迴三駕晨嚴臨有爲而出頓案三駕即三乘見法華經羊車喻聲聞乘鹿車喻緣覺乘

牛車喻菩薩乘六舟未詳

萬行歸空千門入善辯才智惠

補行下孟切

豈徒

七經百氏之博哉明非堯舜周孔

重校集有之字

所及也

後漢書張純傳注七經謂

詩書禮樂易春秋及論語也
補之推此言得罪名教矣

內外兩教本爲一體漸極爲異深

淺不同內典初門設五種

重校集
有之字

禁外典仁義禮智信皆與之

符

重校集作與外書
仁義五常同符

仁者不殺之禁也義者不盜之禁也禮者

不邪之禁也智者不淫之禁也信者不妄之禁也

宋書沈約之
言政如此

至如畋狩軍旅燕享刑罰固

重校集
作因

民之性不可卒除

補卒倉
沒切

就爲之節使不淫濫爾歸周孔而背釋宗何其迷也

補背蒲
昧切俗

之謗者大抵有五其一以世界外事及神化無方爲逗誕也其

二以吉凶禍福或未報應爲欺誑也其三以僧尼行業多不精

純爲姦慝也其四以糜費金寶減耗課役爲損國也其五以縱

有因緣如

重校集
作而

報善惡安能辛苦今日之甲利後世之乙乎

爲異人也今竝釋之於下云

釋一曰夫遙大

重校集作天

之物寧可度量

補度徒落切量呂張切

今人所知

莫若

宋本作著

天地天爲積氣地爲積塊日爲陽精月爲陰精星爲

萬物之精儒家所安也星有墜落乃爲石矣

列子天瑞篇杞國有人憂天崩墜身

亾所寄廢寢食者又有憂彼之所憂者曉之曰天積氣耳亾處亾氣柰何憂崩墜乎其人曰天果積氣日月星宿不當墜邪曉之者曰日月星宿亦積氣中之有光耀者正使墜亦不能有所中傷其人曰柰地壞何曉者曰地積塊耳充塞四虛亾處亾塊柰何憂其壞說文日實也太陽之精月闕也太陰之精星萬物之精上爲列星左僖十六年傳隕石于宋五隕星也精若

是石不得有光性又質重何所繫屬一星之徑大者百里

此非確有

所見之言也案歷體略云經星之體凡有六等安得云一星之徑大者百里乎補徐整長歷大星徑百里中星五十小星三十北斗七星閒相去九千里一宿首尾天上一度在地二百五十皆在日月下屬之欲切

同相去數萬百里之物數萬相連闊狹從斜常不盈縮

補從子容切

又星與日月形色同爾但以大小爲其等差然而日月又當石

也

補差楚宜切也與邪通

石既牢密烏兔焉容

春秋元命包陽數起於一成於三故日中有三足烏

月兩設以蟾蠩與兔者陰陽雙居明陽之制陰陰之制陽補焉於虔切

石在氣中豈能獨運日月

星辰若皆是氣氣體輕浮當與天合往來環轉不得錯

重校集作借

違其閒遲疾

重校集作速

理宐

重校集作寧

一等何故日月五星二十八

宿各有度數移動不均寧當氣墜忽變爲石

尚書堯典正義六歷諸緯與周髀皆

云日行一度月行十三度十九分度之七

漢書律歷志金水皆

日行一度木日行千七百二十八分度之百四十五土日行四千三百二十分度之百四十五火日行萬三千八百二十四分

度之七千三百五十五又二十八宿所載黃赤道各不同

地既滓濁法應沈厚鑿土得泉乃浮水上

晉書天文志天在地外水在天外水浮天

而載地者也補沈直深切俗作沉積水之下復有何物補復扶江河百谷從何

處生補尚書洪範一五行一曰水正義易繫辭曰天一地二天

之數天一生水地六成水陰陽各有匹偶而物得成焉東流到海何爲不溢歸塘尾閘漑

何所到補楚辭天問東流不溢孰知其故列子湯問篇夏革曰

下無底名曰歸墟歸墟或作歸塘趙注莊子秋水篇天下之水莫

大於海萬川歸之不知何時止而不盈尾沃焦之石何氣所然

閻泄之不知何時已而不虛案漢與泄同沃焦之石何氣所然

山名也在東海南三萬里海水灌之而卽消潮汐去還誰所節

度抱朴子糜氏曰潮者據朝來也汐者言夕至也一月之中天

而天高一萬五千里故夏潮大也冬時日居北宿陰盛陽消而

千里故春潮漸起也秋日日居西宿天卑一萬五千里天漢懸

指那不散落

爾雅釋天析木謂之津箕斗之閒漢津也漢書天文志漢者亦金散氣其本日本水晉書天文志天津

起東方經尾箕之閒謂之天河亦謂之漢津分爲二道在七星南而沒

水性就下何故上騰

淮南子原

道訓天下之物莫柔弱於水上

天地初開便有星宿九州未劃

天則爲雨露下地則爲潤澤

重校集 列國未分翦疆區野若爲躔次

方言十二躔歷行也日運爲躔月運爲遷禮記

月令季冬日竄于次鄭注次舍也補史記天官書角亢氏竟州房心豫州尾箕幽州斗江湖牽牛婺女揚州虛危青州營室東

壁井州奎婁胃徐州昂畢冀州背嵩參益州東井輿鬼雍州柳七星張三河翼軫荆州晉書天文志載魏太史令陳卓言郡國

所入宿封建已來誰所制割國有增減星無進退災祥禍福就

度尤詳

重校集

象之大列星之夥何爲分野止繫中國

周禮春官

保章氏掌天星以志星辰日月之變動以觀天下之遷辨其吉凶以星土辨九州之地所封疆域皆有分星以觀妖祥漢書地理志秦地於天官東井輿鬼之分野魏地背觸參之分野周地

柳七星張之分野韓地角亢氏之分野趙地昂畢之分野燕地

尾箕之分野齊地虛危之分野魯地奎婁之分野宋地房心之分野衛地營室東壁之分野楚地翼軫之分野吳地斗分野粵地牽牛婺女之分野也補夥胡火切分扶問切昂爲旄頭匈奴之次史記天官書昂西

胡東越彫題交趾獨奔之乎史記東越傳閩越王無諸及越東海王搖者其先皆越王句踐之後

也後漢書南蠻傳禮記稱南方曰蠻彫題交趾禮記王制文雕謂刻也題謂額也而浴故曰交趾補彫題交趾禮記王制文雕謂刻也題謂額也

非惟雕額亦文身也彫彫趾趾俱通用以此而求迄無了者豈得以人事尋常抑

必宇宙重校集有之字外也重校集作乎凡人之重校集作所是信唯耳與目耳目

重校集作自此之外咸致疑焉儒家說天自有數義或渾或蓋乍宣重校

集作穹案虞曷有穹天論云天形穹隆如笠而冒地之表乍安晉書天文志古言天者有三

渾天漢靈帝時蔡邕于朔方上書言宣夜之學絕無師法周髀術數具存考驗天狀多所違失惟渾天近得其情蔡邕所謂周髀者即蓋天之說也其所傳則周公受於殷高其言天似蓋笠

地似覆槃天地各中高外下宣夜之書漢祕書郎郝萌記先師

相傳云日月眾星自然浮生虛空之中無所根繫成帝咸康中會稽虞喜因宣夜之說作安天論至於渾天理妙學者多疑張平子陸公紀之徒咸以斗極所周管重校集維所屬史記天官

爲莫密於渾象者也星所謂璇璣玉衡以齊七政構攜龍角衡殷南斗魁枕參首用昏建者杓杓自華以西南夜半建者衡衡殷中州河濟之間平

旦建者魁魁海岱以東北也斗爲帝車運乎中央臨制四鄉分陰陽建四時均五行移節度定諸紀皆繫於斗稱楚辭天問筦

維焉繫天極焉加筦一作幹顏師占匡謬正俗幹管二音不殊近代流俗音幹烏活切非也淮南天文訓東北爲報德之維西

南爲背陽之維東南爲常羊之維西北爲躡通之維張衡靈憲八極之維徑二億三萬二千三百里若所親見不

容不同若所測量寧足依據何故信凡人之臆說迷大聖之妙旨而欲必無恆沙世界微塵數劫也金剛經諸恆河所有沙數

華經如人以力摩三千大千土復盡末爲塵一塵而鄒衍亦有爲一劫如此諸微塵數其劫復過是重校集作乎

九州之談史記孟子荀卿傳騶衍著書十餘萬言以爲儒者所謂中國者於天下乃八十一分居其一分耳中國名

曰赤縣神州赤縣神州內自有九州禹之序九州是也不得爲州數中國外如赤縣神州者九乃所謂九州也於是有裨海環之人民禽獸莫能相通者如一區中者乃爲一州如

山中人

不信有魚大如木海上人不信有木大如魚漢武不信苴膠

東方朔十

洲記鳳麟洲在四海中央仙家煮鳳喙及麟角合煎作膏名之爲續弦膠能續弓弩斷弦刀劍斷折之金以膠連續之使力士

擊之他處乃斷所續之際魏文不信火布

魏志三少帝紀景初三年西域重譯獻火

浣布詔大將軍太尉臨試以示百寮搜神記漢世西域舊獻此布中間久絕至魏初時人疑其無有文帝以爲火性酷烈無含生之氣著之典論明其不然及明帝立詔刊石廟門之外及胡太學永示來世至是西域獻之於是刑滅此論天下笑之

胡人見錦不信有蟲食樹吐絲所成昔在江南不信有千人毯帳

及來河北不信有二萬斛

重校集作石

船皆實驗也世有祝師及諸

幻術

補祝之又切幻音患

猶能履火蹈刃種瓜移井條忽之間十變五化

重校集作

千變萬化 人力所為尚能如此

列子周穆王篇穆王時西極之國有化人來人水火貫金石反

山川移城邑乘虛不墜觸石不碎張湛注化人幻人也張衡西京賦奇幻儵忽易貌分形吞刀吐火雲霧杳冥盡地成川流澗

通逕補御覽載孔偉七引云弄幻之術因時而作瓊瓜種菜何立起尋尺投芳送臭賣黃售白核音礙儵與條同瓊耘本字

況神通感應不可思量千里寶幢百由旬座化成淨土踊出重校

集作 妙塔乎 補法苑珠林神通感應不可思量寶幢百由旬化

言踰繕那此譯云合也應也計合應爾許度量同此方驛遷也

案五百弓為一拘盧舍八拘盧舍為一踰繕那即此方三十里

也言古者聖王一日所行之里數也又往涅槃經云繕那亦有

大小或八俱盧舍或四俱盧舍一俱盧舍謂大牛鳴音其聲五

里昔來俱取入俱盧舍即四十里也案兩說不同又古者天子

之說亦盡皆幻術耳而乃篤信之何哉量

呂張切幢宅江切塔亦作塔西域浮屠也

釋二曰夫信謗之徵

重校集 有如影響耳聞眼見其事已多或

乃精誠不深業緣未感

王中頭陀寺碑宅生者緣業空則緣廢李善注引維摩經如影從身業緣生見

僧肇曰身眾緣所成緣合則起緣散則離金光明經所謂無明緣行行緣識識緣名名緣色色緣受受緣觸觸緣愛愛緣取取緣有有緣生生緣老

死憂悲苦惱滅聚時儻差闕

神儻本亦作黨占同儻差初牙切闕猶晚也謂報應或有差互

而遲晚也

匣終當獲報耳善惡之行禍福所歸

補行下孟切

九流百

氏皆同此論豈獨釋典爲虛妄乎

漢書藝文志一儒家流二道家流三陰陽家流四法家流

五名家流六墨家流七縱橫家流八雜家流九農家流十小說家流其可觀者九家而已

范甯穀梁傳序九流分而微言隱疏

不數小說家漢書敘

項橐

重校集顏回之短折日戰國秦策甘羅

傳總百氏贊篇章

作託

顏回之短折日戰國秦策甘羅

重校

而爲孔子師補淮南脩務訓作項託其短折未詳

家語弟子解顏回二十九而髮白三十一早死

原憲伯夷

頁七之川

卷五

六

渭南嚴氏孝

也史記伯夷傳義不食周粟隱盜跖莊躄之福壽伯夷傳盜跖

於首陽山采薇而食之遂餓死

人之肉暴戾恣睢聚黨數千人橫行天下竟以壽終跖亦作躄

竝之石切正義躄者黃帝時大盜之名以柳下惠弟爲天下大

盜故世做古號之盜躄案莊子有盜跖篇華陽國志南中志南

中在昔夷越之地周之季世楚威王遣將軍莊躄泜水出且

蘭以伐夜郎既降而秦奪楚黔中地無路得反遂畱王滇池躄

楚莊王苗裔也補高誘注淮南主術訓云莊躄楚威王之將軍

能大爲盜也躄其齊景桓魋之富強補齊景公有馬千駟見論

虐切又去遙切

馬牛之兄宋景公嬖之後欲害公不能而出奔禮記檀弓上桓
司馬自爲石椁三年而不成此足以見其富強矣魋杜回切

若引之先業冀以後生更爲通重校集耳如以行善而偶鍾禍

報爲惡而儻值福徵使生怨尤卽爲欺詭則亦堯舜之云虛周

孔之不實也又欲安所依信而立身乎補淮南詮言訓君子爲

非而不能使禍無至福之至也非其所求故不伐其功禍之來

也非其所生故不悔其行論衡幸偶篇孔子曰君子有不幸而

無有幸小人有幸而無不幸今爲釋氏之學者大率以利誑誘人以禍恐喝人者也知道之君子庶不爲所惑焉

釋三曰開闢已來不善人多而善人少補見莊子祛篋篇何由悉責其

精絜乎補絜古潔字俗本卽作潔見有名僧高行弃而不說補行下孟切下同若覩

凡僧重校集流俗便生非重校集毀且學者之不勤豈教者之

爲過俗僧之學經律何異士人之學詩禮以重校集無此字下同詩禮

之教格朝廷之人略無全行者以經律之禁格出家之輩而獨

責無犯哉補格猶裁也且闕行之臣猶求祿位毀禁之侶何慙供養

乎其於戒行自當有犯一披重校集法服已墮僧數歲中所計

齋講誦持比諸白衣猶不啻山海也補僧衣緇故謂世人爲白衣山海以喻比流輩爲高

深也顏氏此言又顯爲犯戒者解脫矣

釋四曰內教多途出家自是其一法耳若能誠孝在心仁惠爲

本須達流水不必剃落鬚重校集髮未詳豈令罄井田而起塔廟

窮編戶以爲僧尼也皆由爲政不能節之遂使非法之寺妨民

稼穡無業之僧空宋本國賦算補漢書高帝紀四年八月初爲

以上至五十六出賦錢人百僧肇曰佛者何非大覺之本旨也也盜竈理盡性

大覺之稱也補阿育王經如來大覺於菩提樹下覺諸法佛地論佛者覺也覺一切種智復能開覺有情抑又論之

求道者身計也借費者國謀也身計國謀不可兩遂誠臣徇主

而棄親孝子安家而忘國各有行也儒有不屈王侯高尚其事

補易蠱上九爻隱有讓王辭相避世山林補莊子有讓王篇辭

辭不屈作不事是安可計其賦役以爲罪人若能偕化黔首悉入道場補史記

皆是安可計其賦役以爲罪人若能偕化黔首悉入道場終始皇

木純二十六年更名民曰黔首集解應劭曰黔亦黎黑也梁書處士傳庾詵字彥寶晚年尤遵釋教宅內立道場環繞禮懺

如妙樂之世禳

重校集

作懷是

法之國

佛說彌勒成佛經其先轉輪聖王名懷法有四種兵不以威武

治四天下

補法邱於切

重校

則有自然稻

重校集

作秣

米無盡寶藏

安求田蠶之利乎

補今之縑徒每豔稱極樂國世界思衣食得衣思食得食此理之所必無者祇可以誑誘貪

癡情竄之庸夫耳夫非勤身苦力而坐獲美利君子方以爲懼儻而不居卽信如斯言亦必非意之所樂也

釋五曰形體雖死精神猶存人生在世望於後身似不相

重校集作

連

補之

及其歿後則與前身似猶老少朝夕耳世有魂神示

現

重校集

夢想或降童

重校集

妾或感妻孥求索飲食

補索所

徵須福祐亦爲不少矣

補世亦有點鬼能效人語言有久客在

客死之若求索徵須無所不至未幾

而其人歸矣此焉可盡信爲眞實哉今人貧賤疾苦莫不怨尤

前世不修功業以此而論安可不爲之作

重校集有

地乎

補爲于僞

切下夫有子孫自是天地閒一蒼生耳何預身事而乃愛護遺

其重校集

基址況於已之神爽頓欲棄之哉

補昭七年左氏傳子產曰人生始化

曰魄既生魄陽曰魂用物精多則魂魄強是以有精爽至於神

明此神爽卽精爽也重校集哉作乎下有故兩疎得其一隅累

代詠而弥光矣十四字當補入案疎與疏同漢書疏廣傳廣字

仲翁東海蘭陵人也地節三年立皇太子廣爲太傅兄子受字

公子爲少傅在位五歲乞骸骨賜黃金二十斤皇太子贈以五

十斤既歸日令家共具設酒食請族人故舊賓客相與娛樂子

孫幾立產業基址廣日自有舊田慮足以共衣食此金聖主所

以惠養老臣也故樂與鄉黨宗族共饗其賜此云得其一隅者

蓋子孫固當愛護而已爲尤重兩疏則知重己凡夫蒙重校集

矣是得其一隅也此兩句正與上文意相足

蔽不見未來故言彼生與今重校集有非一體耳若有天眼鑒

其念念隨滅生生不斲豈可不怖畏邪金剛經如來有天眼者

涅槃經天眼通非礙肉

眼礙
非通

又君子處世貴能克己復禮

補見左氏昭
十二年傳

濟時益物治家

者欲一家之慶治國者欲一國之良僕妾臣民與身竟何親也

而爲勤苦修德乎亦是堯舜周孔虛失愉樂耳

補爲于偽
切樂音洛

一人

修道濟度幾許蒼生免脫幾身罪累幸熟思之汝曹若觀俗計

補觀疑規字之誤重校集
作人生居世須顧俗計

樹立門戶不

重校集有得
悉二字是

棄妻子未

能重校集作
一皆是

出家但當兼修戒行

補下孟切重
校集作業

畱心誦讀以爲

來世津梁人身難得勿虛過也

案下當
分段

儒家君子尙離庖廚見其生不忍其死聞其聲不食其肉

見孟
子

高柴折像未知內教皆能不殺

沈氏攷證家語弟子行高柴啓
誓不殺方長不折後漢方術傳

折像幼有仁心不殺昆蟲不折萌芽案今家語本弟子
行作弟子解趙注後漢書折象字伯武廣漢維川人

此乃仁

者自然用心

重校集有也字

含生之徒莫不愛命去殺之事必勉行之

補去羌舉切

好殺之人臨死報驗

補好呼到切

子孫殃禍其數甚多不能

悉

重校集作具

錄耳且示數條於末

梁世

重校集作時

有人常以雞卵白和沐云使髮光每沐輒二三十

枚臨死髮中但聞

重校集作臨終但聞髮中

啾啾數千雞雛

重校集有之字

聲

江陵劉氏以賣鰾羹爲業後生一兒頭

宋本有俱字衍重校集有具字是

是鰾

自頸

宋本作脛說

以

重校集作已

下方爲人耳

補鰾常演切後漢書楊震傳作鰾卽鰾也黃質而黑

文似蛇宋本作鱔乃俗字

王克爲永嘉郡守

宋書州郡志永嘉太守晉明帝太寧元年分臨海立重校集無守字

有人餉羊

集賓欲讌而羊繩解來投一客先跪兩拜使入衣中此客竟不

言之固無救請須臾宰羊爲炙先行至客一嚮入口便下皮內

周行徧體痛楚號叫方復說之遂作羊鳴而死補號戶刀切復扶又切

梁孝元在江州重校集少五字時有人爲望蔡重校集少二字非縣令宋書州郡志豫

章太守下有望蔡縣漢靈帝中平中汝南上蔡民經劉敬躬亂

分徙此地立縣名曰上蔡晉武帝太康元年更名經劉敬躬亂

以反內史蕭詵委郡東奔敬躬據郡進攻廬陵取豫章妖黨遂

至數萬前逼新淦柴桑二月江州刺史湘東王遣縣廨被焚補

韻廨古隘寄寺而住民將牛酒作禮縣令以牛繫剝柱補剝初

切公廨也釋名應眾絕音義剝字書無此卽剝字屏除形像補屏昇

鋪設牀坐於堂上接賓未殺之頃牛解徑來至階而拜縣令大

笑命左右宰之飲噉醉飽補噉徒濫切亦作啗啖同便臥簷下稍宋本作投

投醒而重校集覺體痒爬搔隱重校集疹因爾成癩十許重校集

餘年死

補玉篇痒餘兩切痛痒也又作癢同癩疹皮外小起也癩說文作癩惡疾也

楊思達爲西陽郡守

晉書地理志弋陽郡統西陽縣故弦子國宋書孝武帝紀大明二年復西陽郡

侯景亂時復早儉飢民盜田中麥思達遣一部曲守視

補續漢書百官

志大將軍營五部部校尉一人部下有曲曲有軍候一人所得盜者輒截手腕

宋作凡戮十

餘人部曲後生一男自然無手

齊有一奉朝請

補宋書百官志下奉朝請無員亦不爲官漢東京罷省三公外畧宗室諸侯多奉朝請奉朝請

者奉朝會請召而已家甚豪侈非手殺牛

重校集噉之不美年

有則字

三十許病篤大見牛來舉體如被刀刺叫呼而終

江陵高偉隨吾入齊凡數年向幽州淀中捕魚

淀堂練切玉篇淺水也案今北

方亭水之地皆謂之淀此幽州淀疑卽今趙北口地後病每見羣魚齧之而死

世有癡人不識仁義不知富貴竝由天命爲子娶婦補爲于恨僞切

其生資不足倚作舅姑之尊宋本作大虵虺其性毒口加誣不識忌

諱罵辱婦之父母卻成教婦不孝己身俗本作却云教以婦道不孝己身譌今從宋本

不顧他恨但憐己之子女不愛己之兒婦宋本作不愛其婦如此之人

陰紀其過鬼奪其算慎不可與爲鄰宋本作不得與爲鄰何況交結乎避

之哉俗本作仍不可與爲援安遠之哉今從宋本宋本在涉務篇末俗本在此今案此段亦言因果附此爲是重校末廢

人一條宏
明集無

顏氏家訓卷第五終

渭南嚴式誨勸鑄
成都龔道耕重勸

顏氏家訓卷第六

書證

書證第十七

詩云參差荇菜爾雅云荇接余也字或為荇

爾雅荇接余其葉荇釋文荇音杏本

亦作荇接如字說文作荇音同案今此書俗開本作荇宋本作接

先儒解釋皆云水草圓葉細

莖隨水淺深今是水悉有之黃花似蓴

補蓴亦作蓴廣韻蓴蒲秀又蓴水葵也

江

南俗亦呼為猪蓴

補政和本草鳥葵即荇菜也一名接余唐本注云南人名猪蓴堪食別本注云葉似蓴莖

濕根極長江南人多食云是猪蓴全為誤也猪蓴與絲蓴同

種以春夏細長肥滑為絲蓴至冬短為猪蓴亦呼為龜蓴此與

鳥葵殊不或呼為荇菜劉芳具有注釋隋書經籍志毛詩箋音

相似也芳撰補魏書劉芳傳芳字伯文彭城人傳

而河北俗人多不識

之博士皆以參差者是莧菜呼人莧爲人荇

爾雅黃赤莧注今莧菜之有赤莖者

補本草圖經莧有六種有人莧赤莧白莧紫莧馬莧五色

亦可

莧入藥者人白二莧其實一也但人莧小而白莧大耳

笑之甚

詩云誰謂荼苦

補宋本卽接禮云苦菜秀在此句下今案文不順故不從宋本

爾雅毛詩傳並

以荼苦菜也

補經典序錄河閒人大毛公爲詩故訓傳一云魯人失其名初學記荀卿授魯國毛亨作詁訓傳以

授趙國毛萇案故與詁同傳張繼切

又禮云苦菜秀

夏月孟

案易統通卦驗卒圖

曰苦菜生於寒秋更冬歷春得夏乃成

補隋書經籍志易統通卦驗卒圖卷不著撰

人更工

今中原苦菜則如此也一名游冬葉似苦苣而細摘斷

補唐本草注引此摘斷作斷之吳仁傑離騷草木疏引此亦有之字

有白汁花黃似菊

本草白苣似苣苣葉

有白毛氣味苦寒又苦菜一名苦苣補案苦苣卽苦葢江東呼爲苦葢廣雅賈讀也案葢葢葢同唐本草注顏說與桐君略同

江南別有苦菜葉似酸漿

補爾雅歲寒漿注今酸漿草江東呼曰苦歲

其花或紫或

白子大如珠熟時或赤或黑此菜可以釋勞案郭璞注爾雅

隋書

經籍志爾雅五卷郭璞注圖十卷郭璞撰

此乃藪黃蔘也

爾雅藪黃蔘注藪草葉似酸漿花小而白中心黃江

東以作

今河北謂之龍葵

古今注苦歲一名苦藪子有裏形如

皮并始生青熟則赤裏有實正圓如

珠亦隨裏青赤唐本草注苦藪葉極似龍葵但龍葵子無殼苦藪子有殼

梁世講禮者以此當苦菜

既無宿根至春子方生耳亦大誤也又高誘注呂氏春秋曰榮

而不實曰英苦菜當言英

隋書經籍志呂氏春秋二十六卷秦相呂不韋撰高誘注補此注見孟夏

紀榮而不實者謂之英本爾雅文

益知非龍葵也

詩云有杖之杜江南本竝木傍施大傳曰杖獨兒也

補兒古貌字宋本即

作貌下竝同

徐仙民音徒計反

徐仙民名邈晉書在儒林傳隋書經籍志毛詩音十六卷徐邈等撰毛詩

晉南嶽氏孝

音二卷徐逸撰說文曰杝樹兒也在木部同上說文十韻集音次第之

第同上韻集六卷晉安復令呂靜撰而河北本皆爲夷狄之狄讀亦如字此大

誤也

詩云駟駒牡馬江南書皆作牝牡之牡河北本悉爲放牧之牧

鄴下博士見難補乃云駟頌旣美僖公牧于坰野之事何限驥

隲乎詩序駟頌僖公也公能遵伯禽之法儉以足用寬以愛民

而史克作是頌案唐石經初刻牝牡之牡後改放牧之牧陸德

明釋文作牡云說文同正義却作牧沈氏攷證驥隲諸本皆作

駟駒牡馬故博士難以何限於驥隲後又言必無驥也亦非驥

也義益明白驥駟二字雖見駟頌余荅曰案毛傳云駟駒良馬

腹幹肥張也其下又云諸侯六閑四種有良馬戎馬田馬騶馬

若作牧放之意通於牝牡則不容限在良馬獨得馴馴之稱

補昌

孕切良馬天子以駕玉輅諸侯以充朝聘郊祀必無驥也周禮

圉人職良馬匹一人驚馬麗一人圉人所養

補案此下當有良馬二字

亦非

驥也頌人舉其強駿者言之於義爲得也易曰良馬逐逐

易大畜九

三良馬逐逐利艱貞案釋文鄭康成本

左傳云以其良馬二

見宣公十

年亦精駿之稱非通語也今以詩傳良馬通於牧驥恐失毛生

之意且不見劉芳義證乎

周禮夏官校人種邦國六閑馬四種家四閑馬二種

天子十有二閑馬六

凡馬特居四之一

注鄭司農云四之一者三牝一牡段云以周

官攷之則有牡無牝之說全非補案校人職又云驚馬三良馬

之數康成注良善也則毛傳所云良馬亦祇言善馬耳凡執駒

攻特之政皆因其牝牡相雜處耳桐野放牧之地亦非駕輅朝

聘祭祀可比自當不限驥騶騶風干旄亦言良馬何必定指爲

牡况毛傳以良馬戎馬田馬驚馬四種爲言者意在分配馴之

四章統言之則皆得良馬之名析言之則良馬乃四種之一左傳云趙旃以其良馬二濟其兄與叔父以他馬反遇敵不能去此正善與駑之別也作傳者豈屑屑致辨於牝牡之間乎顏氏引證亦殊未確

月令云荔挺出鄭卒注云荔挺馬薤也

補薤本作薤戶戒切

說文云荔似

蒲而小根可爲刷廣雅云馬薤荔也

隋書經籍志廣雅三卷魏博上張批撰

通俗

文亦云馬薤

同上通俗文一卷服虔撰

易統通卦驗卒圖云荔挺不出則國

多火災蔡邕月令章句云荔似挺

同上月令章句十一卷漢左中郎將蔡邕撰補案荔似挺

語不明據本草圖經引作荔以挺出當是也

高誘注呂氏春秋云荔草挺出也然則

月令注荔挺爲草名誤矣河北平澤率生之江東頗有此物人

或種於階庭但呼爲旱蒲故不識馬薤講禮者乃以爲馬薤

正宋本蔓馬

堪食亦名豚耳俗曰馬齒江陵嘗有一僧而形上

覓二字是

廣下狹劉緩幼子民譽年始數歲俊晤善體物

俗閒本晤作悟

見此僧

云面似馬覓其伯父

俗閒本有劉字

縉因呼爲荔挺法師縉親講禮名

儒尙誤如此

劉緩劉縉注並見卷二中

詩云將其來施施毛傳云施施難進之意鄭箋云施施舒行兒也韓詩亦重爲施施河北毛詩皆云施施江南舊本悉單爲施俗遂是之恐有宋本作爲少誤

詩云有滄萋萋興雲祁祁

宋本元注詩興雨祁祁注云興雨如字本作興雲非案此乃陸德明釋文

中語非顏氏所注

毛傳云滄陰雲兒萋萋雲行兒祁祁徐兒也箋云古

者陰陽和風雨時其來祁祁然不暴疾也案滄已是陰雲何勞

復云興雲祁祁耶

補復扶又切

雲當爲雨俗寫誤耳班固靈臺詩云

三光宣精五行布序習習祥風祁祁甘雨此其證也

段云雲自下而上雨

自上而下故素問曰地氣上爲雲天氣下爲雨諸書皆言興雲作雲無有言興雨者韓詩外傳呂氏春秋漢書皆作興雲祁祁興雲祁祁雨我公田如言英英白雲露彼菅茅也補案鹽鐵論水旱篇後漢書左雄傳皆作興雨祁祁觀箋其來不暴疾之語自指雨言金石錄及隸釋載無極山碑作興雲洪氏謂漢代言詩者自不同斯言得之

禮云定猶豫決嫌疑

補決嫌疑定猶與禮記曲禮上文釋文與音預本亦作彖

離騷曰心猶

豫而狐疑先儒未有釋者案尸子曰五尺犬爲猶

隋書經籍志尸子二十卷

秦相衛鞅上客尸佼撰補今新出尸子廣釋篇作大犬爲豫五尺

說文云隴西謂犬子爲猶吾

以爲人將犬行犬好豫在人前待人不得又來迎候如此往還

至於終日斯乃豫之所以爲未定也故稱猶豫或以爾雅曰猶

如鹿善登木猶獸名也既聞人聲乃豫緣木如此上下故稱猶

豫

補顏師古注漢書高后紀猶豫卽同此二義更記呂后本紀作猶與索隱猶鄒音以獸切與亦作豫崔浩云猶狻類也印

鼻長尾又說文云猶獸名多疑故此之也今解者又引老子與兮若冬涉川猶兮若畏四鄰故以爲猶與且按狐聽冰而此云與兮冬涉川則與是狐類不疑不係同類故云畏四鄰也曲禮上正義說文云猶獸名獲屬與亦是獸名象屬此二獸皆進退多疑人多疑惑者似之

狐之爲獸又多猜疑故聽河冰無流水聲然後敢

渡今俗云狐疑虎卜則其義也

虎苑虎知衝破每行以爪畫地食觀奇偶而行今人畫地卜

曰虎卜

左傳曰齊侯疾遂疴

見左氏昭廿年傳

說文云疴二日一發之瘧疴有

熱瘧也案齊侯之病本是閒日一發

補開紀莫切

漸加重乎故爲諸

侯憂也今北方猶呼瘧瘧音皆而世閒傳本多以瘧爲疥杜征

南亦無解釋

晉書杜預傳預字元凱位征南大將軍自稱有左傳瘧

徐仙民音介俗儒就

爲通云病疥令人惡寒變而成瘡

令力呈切惡烏路切瘡宋作店

此臆說也疥

癬小疾何足可論寧有患疥轉作瘡乎

段云改疥爲瘡其說非是見陸德明釋文正義

則主痰說居多

尙書曰惟景響

大禹謨文

周禮云土圭測景景朝景夕

地官大司徒以土圭之灋

測土深正日景以求地中日南則景短多暑日北則景長多寒日東則景夕多風日西則景朝多陰深尺鳩切

孟子曰

圖景失形

補孟子外書孝經第三傳言失指圖景失形言治者尙發實

莊子云罔兩問景

齊物論郭注罔兩景外之微陰也

如此等字皆當爲光景之景凡陰景者因光

而生故卽謂爲景

宋本脫謂字

淮南子呼爲景柱

補假真訓以鴻蒙爲景柱而浮揚乎

無吟崖之際

廣雅云晷柱挂景

釋天晷柱景也無挂字此疑衍

竝是也至晉世葛洪

字苑傍始加彡

元注音杉案洪傳及隋書經籍志皆不載所撰字苑南史劉杳傳嘗引其書

音於景

反而世閒輒改治尙書周禮莊孟從葛洪字甚爲失矣

段云惠定字說

漢張平子碑卽有影字不始於葛洪漢末所有之字洪亦采集成非自造也

太公六韜有天陳地陳人陳雲鳥之陳

隋書經籍志太公六韜五卷文韜武韜龍韜虎

韜豹韜犬韜補六韜武王問太公曰凡用兵爲天陣地陣人陣

柰何太公曰日月星辰斗杓一左一右一迎一背此謂天陣丘

陵水泉亦有左右前後之利此謂地陣用馬用人用文用武此

謂人陣又武王問曰引兵入諸侯之地高山盤石其避無草木

四面受敵士牽迷惑爲之柰何太公曰當爲雲鳥之陣案此書

作陣字俗補注注引六韜見三陳篇又下所引今本在烏雲山

兵篇下又有烏雲澤兵篇云烏散而雲合變化無窮者也凡烏

皆鳥字之譌案握奇經入陳天地風雲爲四正飛龍翼虎鳥翔

蛇蟠爲四奇杜少陵詩共說總戎 論語曰衛靈公問陳於孔子
雲鳥陳正本此可知烏乃誤字也 俗本多作阜傍車乘之車
左傳爲魚麗之陳 見桓五年補 陳隊俗本作陳字今從宋本 補 夫
切案諸陳隊竝作陳鄭之陳 陳鄭之陳竝如字下陳列同 夫

行陳之義取於陳列耳此六書爲假借也

補行音抗周禮地官
保氏養國子以道教

之六藝五曰六書注鄭司農曰六書象形會意轉注處事假借
諧聲也許慎說文假借者本無其字依聲託事令長是也重校

正此下疑蒼雅及近世字書皆無別字唯王義小學章獨阜傍

當有於字隋書經籍志小學篇一卷晉下邳內史王義撰諸本並作
王義之乃妄人謬改而佩觿及唐志皆從之失攷之甚

作車王義之乃妄人謬改而佩觿及唐志皆從之失攷之甚

縱復俗行補復扶不宐追改六韜論語左傳也

詩云黃鳥于飛集于灌木傳云灌木叢木也此乃爾雅之文故

李巡注曰木叢生曰灌爾雅末章又云木族生爲灌族亦叢聚

也補郭注所以江南詩古本皆爲叢聚之叢而古叢字似取字

近世儒生因改爲取解云木之取高長者叢聚之叢俗本作藂
聚之藂室藂俗藂字

而漢書息夫躬傳已有之又有叢字見東方朔傳師古曰古叢

字也其下皆從取段氏則以爲詩傳本是取木取與聚與叢古

通用說文在「部」才句切積也又「月部」最
祖會切犯而取也俗作竅故易與取混 案眾家爾雅及解詩

無言此者唯周續之毛詩注音為祖會反宋本有又音祖會反

傳周續之字道祖鴈門廣武人年十二詣豫章太守范甯受業

通五經并緯候高祖踐阼為開館東郊外招集生徒素患風痺

不復堪講乃移病鍾山景平元年卒通 劉昌宗詩注音為在公

毛詩六義及禮論公羊傳皆傳於世 反及祖會反宋本祖 皆為穿鑿失爾雅訓也補劉昌宗經典釋

邈之閒當是晉人有周禮儀禮音各一卷禮記音五卷其毛詩

音匡謬正俗引兩條一鵲巢箋冬至加功劉周等音加為架一

采蔡傳山夾水曰澗劉周又音夾為頰集韻

也是語已及助句之辭文籍備有之矣河北經傳悉略此字其

閒字有不可得無者至如伯也執詩衛風於旅也語儀禮鄉

文回也屢空論語風風也教也詩小及詩傳云不戢戢也不讎

儻也

見小雅桑扈篇

不多多也

見大雅卷阿篇

如斯之類儻削此文頗成廢闕

詩言青青子衿傳曰青衿青領也學子之服

見鄭風

按古者斜領

下連於衿故謂領爲衿孫炎郭璞注爾雅曹大家注列女傳竝

云衿交領也

郭注見爾雅釋器衣皆謂之襟下曹注今已亡

郭下詩本旣無也字羣儒

因謬說云青衿青領是衣兩處之名皆以青爲飾用釋青青二

字其失大矣又有俗學聞經傳中時須也字輒以意加之每不

得所益成

本皆作誠譌今改正

可笑

易有蜀才注

隋書經籍志周易十卷蜀才注

江南學士遂不知是何人王儉四

部目錄不言姓名題云王弼後人

南齊書王儉傳儉字仲寶琅琊臨沂人專心篤學手不釋

卷解禘祫書郎太子舍人超遷祕書丞上表求校墳籍依七略選七志四十卷上表獻之又撰定元徽四部書目隋書經籍志

魏氏代漢采掇遺亡藏祕書中外三閣祕書郎鄭默始制中經祕書監荀勗更著新簿分爲四部一曰甲部二曰乙部三曰丙部四曰丁部其後中朝遺書稍流江左宋元嘉八年祕書監謝靈運造四部目錄大凡六萬四千五百八十二卷元徽元年王儉又造目錄大凡謝吳補古夏侯該宋本注云一本該字下一萬五千七百四卷迴切

作諺作詠未定案隋書經籍志漢竝讀數千卷書皆疑是譙周書音二卷夏侯詠撰作詠爲是

獨志譙周傳周字允南巴西西充國人耽古篤學研而李蜀書精六經尤善書札丞相亮領益州牧命爲勸學從事

一名漢之書隋書經籍志漢之云姓范名長生自稱蜀才南方

以晉家俗本無渡江後北閒傳記皆名爲僞書不貴省讀故不

見也

禮王制云羸股肱補羸力鄭注云謂搢衣出其臂脛補胡今書

皆作振甲之振國子博士蕭該云補隋書儒林何妥傳附蘭陵

蕭該者梁鄱陽王恢之孫也
渭南嚴氏孝

少封攸侯梁荊州陷與何妥同至長安性篤學詩書春秋禮記
並通大義尤精漢書甚爲貴遊所禮開皇初賜爵山陰縣公拜
國子博士奉詔書與安正定經史然各執所見遞相是非久而
不能就上議而罷之該後撰漢書及文選音義咸爲當時所貴

振當作擗音宣振是穿著之名非出磬之義補著張略切案字林蕭

讀是徐爰音患非也字林已見前段云擗說文只作撥其云纒援臂也纒卽攘臂字

漢書田冑賀上俗本冑作肯乃俗字江南本皆作宵字沛國劉顯博覽經

籍偏精班漢梁代謂之漢聖顯子臻不墜家業梁書劉顯傳顯字嗣芳沛國相

人博涉多通顯有三子莠桂臻臻早著名隋書文學劉臻傳臻
字宣摯梁元帝時遷中書舍人江陵陷沒入周冢宰字文護辟

爲中外府記室軍書羽檄多成其手讀班史呼爲田冑梁元帝嘗問之荅曰此無

義可求但臣家舊本以雌黃改宵爲冑元帝無以難之補難乃旦切

吾至江北見本爲冑

漢書王莽贊云紫色繩

俗本蛙下同今從宋本

聲餘分閭位蓋謂非平黃

之色不中律呂之音也近有學士名問甚高遂云王莽非直鳶

鷂虎視而

俗本無宋本有

復紫色繩聲亦爲誤矣

此條已見前勉學篇鳶鷂虎視彼作鷂目

虎吻與漢書合

簡策字竹下施束

元注七賜反

末代隸書似杞宋之宋

書斷隸書下邳人程邈所

作也邈始爲縣吏得罪始皇幽繫雲陽獄中覃思十年損益大小篆方員而爲隸書三千字奏之始皇始皇善之用爲御史以奏事繁多篆字難成乃用隸字以爲吏人佐書務趨便捷故曰隸書

字之傍應爲束今亦作夾

段云曲禮挾訓箸字林作策則策不可以代策明矣

徐仙民春

秋禮音

隋書經籍志春秋左氏傳音三卷禮記音三卷並徐邈撰

遂以策爲正字以策爲音

殊爲顛倒史記又作悉字誤而爲述

重校正又字似當在史記上

作妬字誤

而爲姤裴

俗本脫宋本作裴亦誤段云當作裴

徐鄒皆以悉字音述以姤字音姤

同上史記八十卷宋南中郎外兵參軍裴駙注史記音義十一

卷宋中散大夫徐野民撰史記音三卷梁輕車錄事參軍鄒謨

生

撰旣爾則亦可以亥爲豕字音以帝爲虎字音乎

家語弟子解子夏反衛見

讀史志者云晉師伐秦三豕渡河子夏曰非也已亥耳讀史志者問諸晉史果曰己亥抱朴子選覽篇諺曰書三寫魚成魯帝

成虎

張揖云慮今伏羲氏也孟康漢書古文注亦云慮今伏

隋書經籍志梁

有漢書孟康音九卷

而皇甫謐云伏羲或謂之宓羲案諸經史緯候遂無

宓羲之號慮字從虎

元注音呼

宓字從宀

元注音綿

下俱爲必末世傳寫

遂誤以慮爲宓而帝王世紀因誤更立名耳

帝王世紀卽皇甫謐所著

何以

驗之孔子弟子慮子賤爲單父宰

補單父音善甫

卽慮羲之後俗字亦

爲宓或復加山今兗州永昌郡城舊單父地也東門有子賤碑

漢世所立乃云濟南伏生卽子賤之後是知處之與伏古來通

字誤以爲宓較可知矣

漢書儒林傳伏生濟南人故爲秦博士孝文時求能治尙書者時伏生年九十

餘老不能行於是詔太常使掌故鼂錯往受之得二十八篇

太史公記曰寧爲雞口無爲牛後

見蘇秦傳

此是刪戰國策耳

見韓策

案延篤戰國策音義曰尸雞中之主從牛子然則口當爲尸後

當爲從俗寫誤也

隋書經籍志戰國策論一卷漢京兆尹延篤撰補案口後韻協秦正以牛後鄙語激發韓

王安得如延篤所言乎且雞尸之語別無他證柰何信之

應劭宋本風俗通

同上風俗通義三十一卷錄一卷應劭撰梁三十卷案今止存十卷

云太史公

記高漸離變名易姓爲人庸係匿作於宋子

史記刺客傳集解徐廣曰宋子縣名

顏氏家訓

卷六

十

渭南嚴氏孝義家塾叢書

今屬

鉅鹿久之作苦聞其家堂上有客擊筑

宋本作聞其家堂客有擊筑

伎癢不

能無出言案伎癢者懷其伎而腹癢也是以潘岳射雉賦亦云

徒心煩而伎癢

補潘賦本作伎癢徐爰注有伎藝而欲逞曰伎懷音養李善注引風俗通作伎養不能毋出言

養與癢同毋與無同

今史記竝作徘徊

宋本作徘徊

或作徬徨不能無出言是

爲俗傳寫誤耳

太史公論英布曰禍之興自愛姬生於妬媚以至滅國

史記黥布傳布

六人也姓英氏背楚歸漢立爲淮南王信越誅布大恐陰聚兵候伺旁郡警急所幸姬疾請就醫醫家與中大夫賁赫對門赫自以爲侍中乃厚餽遺從姬飲醫家姬侍王譽赫長者具說狀王疑其與亂欲捕赫赫詣長安上變言布謀反有端漢繫赫使案驗布布族赫家發兵反上自將擊布布數戰不利走江南長沙王使人給布之番陽番陽人殺之遂滅黥布補今史記作禍之興自愛姬殖妬媚生患竟以滅國妬本字亦作妬通

又漢書外戚傳亦云成結寵妾妬

媚之誅

傳云孝成趙皇后女弟趙昭儀姊妹專寵十餘年卒皆無子帝暴崩皇太后詔大司馬莽與御史丞相廷尉問

發病狀昭儀自殺哀帝即位尊皇后爲太皇后司隸解光奏言趙氏殺後宮所產諸子請事竊竟哀帝爲太子亦頗得趙太后

力遂不竟其事哀帝崩王莽白太后詔取爲孝成皇后又廢爲庶人就其園自殺案所引是議郎耿育疏中語今本漢書仍作

媚史記黥布傳此二媚竝當作媚媚亦妬也義見禮記三蒼

索隱引作媚 記大學媚疾以惡之鄭注媚妬也史記五宗世家且五宗世家

索隱郭璞注三蒼云媚丈夫妬也又云妬女爲媚

亦云常山憲王后妬媚 世家常山憲王舜以孝景中五年用皇子爲常山王王有所不愛姬生長男悅

王后脩生太子勃王內多幸姬王后希得幸及憲王病王后亦以妬媚不常侍病輒歸舍醫進藥太子勃不自嘗藥又不宿置

侍病及王薨王后太子乃至憲王雅不以稅爲人數太子代立又不收恤枕枕怨王后太子漢使者視憲王喪枕自言王病時

王后太子不侍及薨六日出舍及勃私姦等事有司請廢王后脩徙王勃以家屬處房陵上許之

妬夫媚婦生則忿怒鬪訟

補論死篇妬夫媚妻同室而處淫亂失行忿怒鬪訟

王充論衡云

益知媚是

妬之別名原英布之誅爲意賁

元注音惡

赫耳不得言媚

沈氏攷證說文媚夫

妬婦也蓋可明顏氏之說

史記始皇本紀二十八年丞相隗林丞相王綰等議於海上諸

本皆作山林之林開皇二年五月

開皇隋文帝年號

長安民掘得秦時

鐵稱權旁有銅塗鐫銘二所其一所曰廿六年皇帝盡并兼天

下諸侯黔首大安立號爲皇帝乃詔丞相狀縮灑度量刪

元注音則

不壹歎疑者皆明壹之凡四十字其一所曰元年制詔丞相斯

去疾灑度量盡始皇帝爲之皆

沈氏空一格

刻辭焉今襲號而

本作所沈

改刻辭不稱始皇帝其於久遠也

本作世沈氏改

如後嗣爲之者不稱

成功盛德刻此詔

沈氏不空

左使毋疑凡五十八字一字磨滅見

有五十七字了了分明

沈氏攷證蜀有秦權二銘篆文明具四

并兼天下諸侯黔首大安立號爲皇帝乃詔丞相狀縮濃度量
刪不壹散疑者皆明壹之凡四十字顏氏亦言四十字而今本
有四十一字蓋誤以廿字爲二十字明壹之顏氏誤作壹明之
義未安當從篆本刪古則字謝本音制非壹古壹字元年制詔
丞相斯去疾灑度量盡始皇帝爲之皆有刻辭焉今襲號而刻
辭不稱始皇帝其於久遠也如後嗣爲之者不稱成功盛德刻
此詔故刻左使母疑凡六十字顏氏稱五十八字一字磨滅見
有五十七字了了分明皆有刻辭焉顏氏無有字而刻辭不稱
顏氏誤以而字作所字其於久遠也顏氏誤以也字作世字說
文芑注云秦刻石也字權銘正作芑字刻此詔故刻左顏氏誤
故刻二字而云一字磨滅字數不同恐顏氏所見秦權自有異
同故仍從顏氏若而字也字則眞誤矣故改焉補案今家訓亦
作明壹之當是後人所改正海鹽張燕昌芑堂云鄭夾深以石
鼓文殿字與秦權殿字同遂疑石鼓文爲秦制則秦權似當作
殿文邪案顏所見是芑字與世形近故誤

敕寫讀之與內史令李德林對見此

俗本稱權今在官庫其丞

相狀字乃爲狀貌之狀月旁作犬則知俗作隗林非也當爲隗

狀耳

隋書李德林傳德林字公輔博陵安平人除中書侍郎齊主召人文林館又令與黃門侍郎顏之推同判文林館事

高祖受顧命爲丞相府屬登阼之日授內史令

漢書云中外禪福

見司馬相如傳

字當從禪安也音匙匕之匙義見

蒼雅方言河北學士皆云如此而江南書多誤

下云恐爲誤則此處誤字衍

從手屬文者對耦竝爲提挈之意恐爲誤也

或問漢書注爲元后父名禁改禁中爲省中何故以省代禁答

曰案周禮宮正掌王宮之戒令糾

今書作糾乃正字注同

禁鄭注云糾猶

割也察也

宋本注一本無猶割也三字案本注元有

李登云省察也張揖云省今省

督也

段云此蓋出古今字話謂省今字作省

然則小井所領二反竝得訓察其處

既常有禁衛省察故以省代禁警古察字也

漢明帝紀爲四姓小侯立學

漢上當有後字補在永平九年

按桓帝加元服又

賜四姓及梁鄧小侯帛

補後漢書桓帝紀

建和二年春正月甲子皇帝加元服賜四姓及梁鄧小侯諸

夫人以下帛各有差四姓見下皇后紀和熹鄧皇后諱綏太傅禹之孫父訓護羌校尉順烈梁皇后諱嬀大將軍商之女是

知皆外戚也明帝時外戚有樊氏郭氏陰氏馬氏爲四姓謂之

小侯者或以年小獲封故須立學耳

同上樊宏傳宏字靡卿南陽湖陽人世祖之舅皇后

紀光武郭皇后諱聖通眞定豪人父昌仕郡功曹光烈陰皇后諱麗華南陽新野人兄議爲將明德馬皇后伏波將軍援之小

女或以侍祠猥朝侯非列侯故曰小侯禮云庶方小侯則其義

也

禮記曲禮下庶方小侯入天子之國曰某人於外曰子自稱曰孤

後漢書云鸛雀銜三鰓

元注音善

魚多假借爲鱸鮓之鱸俗之學士

因謂之爲鱣魚案魏武四時食制案魏武食制唐人類書多引之而隋唐志皆不載唐志有

趙武四時食法一卷非此書鱣魚大如五斗長一丈郭璞注爾雅鱣長二

三丈郭注鱣大魚似鱈而短鼻口在頰下體有邪行安有鶴雀

能勝一者補勝音升況三乎鱣又純灰色無文章也鱣魚長者不過

三尺大者不過三指黃地黑文故都講云虵鱣卿大夫服之象

也後漢書楊震傳震字伯起宏農華陰人常客居於湖不荅州郡禮命數十年後有冠雀銜三鱣魚飛集講堂前都講取魚

進曰虵鱣者卿大夫服之象也數三者法三台也先生自此升矣注冠音貫卽鶴雀也鱣鱣字古通長不過三尺黃地黑文故

都講云然案都講續漢書隋書經籍志續漢書八十及搜神記

高第弟子之稱也同上搜神記三亦說此事皆作鱣字孫卿云魚鼈鱣及韓非

說苑同上韓非子二十卷韓公子非撰說苑二十卷漢劉向撰

說苑

補荀子富國篇鼈鼉魚鼈鱣以別一而成羣韓非說林

下鱧似蛇人見蛇則驚駭漁者持鱧皆曰鱧似蛇蠶似蠅竝作說苑說叢篇鱧欲類蛇今本不作鱧

後漢書酷吏樊晷爲天水郡守

隋書地理志天水郡統縣六有冀城補案續漢書郡國志涼州

漢陽郡劉昭注武帝置爲天水永平十七年更名

涼州爲之歌曰寧見乳虎穴不入冀

府寺

蘇吏傳樊曄字仲華南陽新野人爲天水太守政嚴猛章懷注乳產也猛獸產乳護其子則搏噬過常故以爲喻釋

名寺嗣也官治事者相嗣續於其內也補案諸本皆作曄城寺今據本傳改其歌曰游子常苦貧力子天所富寧見乳虎穴不入冀府寺大笑期必死忿怒或見置嗟我樊府君安可再遭值而江南書本穴皆誤作六學

士因循迷而不寤夫虎豹穴居事之較者

補較音敎明著貌

所以班超

云不探虎穴安得虎子

後漢書班超傳超字仲升扶風平陵人使西域到鄯善王禮敬甚備後忽疎懈

召問侍胡曰匈奴使來今安在胡具服其狀超乃會其吏十三十六人激怒之官屬皆曰今在危亾之地死生從司馬超曰不

入虎穴不得虎子因夜以火劫虜必大震怖可盡殄也

寧當論其六七耶

後漢書楊由傳云風吹削肺

方術傳楊由字哀侯成都人有風吹削肺太守以問由由對曰方當

有薦木實者其色黃赤頃之五官掾獻橘數包章懷注哺當作肺

此是削札牘之柿耳

補柿說文作柿

削木札檠也从木亦聲陳楚謂積爲林芳

古者書誤則削之故

左傳云削而投之是也

左氏襄廿七年傳宋向戌欲弭諸侯之兵以爲名晉楚皆許之既盟請賞公與

之邑六十以示子罕子罕曰天生五材民並用之聖人以興亂人以廢皆兵之由也而子求去之不亦誣乎以誣道蔽諸侯罪莫大焉縱無大討而又求賞無厭之甚也削而投之左師辭邑或卽謂札爲削王裒童約曰書

削代牘

已見前卷補童宋本作僮案說文童奴也僮幼也則俗本作童是從之

蘇竟書云昔以摩

研編削之才

後漢書蘇竟傳竟字伯況扶風平陵人建武五年拜侍中以病免初延岑護軍鄧仲况擁兵據南陽

陰謀爲寇而劉歆兄子龔爲其謀主竟與龔書曉之曰走昔以摩研編削之才與國師公從事出入校定祕書竊自依依未由

自遠云云皆其證也詩云伐木澣澣毛傳云澣澣柿貌也史家假借

爲肝肺字俗本因是悉作脯腊之脯或爲反哺之哺宋本有學字字

士因解云削哺是屏障之名既無證據亦爲妄矣此是風角占

候耳風角書曰庶人風者拂地揚塵轉削若是屏障何由可轉

也隋書經籍志風角要占十二卷餘不勝舉

三輔決錄云同上三輔決錄七卷漢太僕趙岐撰摯虞注前隊大夫范仲公鹽鼓蒜

果共一筭果當作魏顥之顥魏顥晉大夫見宣十五年左氏傳北土通呼物一

由音塊改爲一顆蒜顥是俗閒常語耳故陳思王鶴雀賦曰說文

鳥也補此賦藝文類聚載之頭如果蒜目似擎椒沈氏攷證諸本皆作雀又

道經云合口誦經聲瓊瓊眼中淚出珠子補玉篇其字雖異

其音與義頗同江南但呼爲蒜符不知謂爲顆學士相承讀爲

裹結之裹言鹽與蒜共一苞裹

俗本作共苞一裹

內箛中耳正史削繁

隋書經籍志正史削繁九十四卷阮孝緒撰

音義又音蒜顆爲苦戈反皆失也

補今人言

顆俱從苦戈切又言蒜蒲疑上符字當爲苻苻有蒲音左傳崔苻是也

有人訪吾曰魏志蔣濟上書云弊劫之民是何字也余應之曰

意爲劫卽是敝倦之敝耳

元注要用字苑云敝音九僞反字亦見廣雅及陳思王集也魏志蔣濟傳

濟字子通楚國平阿人爲護軍將軍加散騎常侍景初中外勤征役內務宮室而年穀飢儉濟上疏曰今雖有十二州民數不過漢時一大郡農桑者少衣食者多今其所急唯當息耗百姓不至甚弊弊劫之民儻有水旱百萬之眾不爲國用補敝集韻作敝要用字苑卽葛洪之書宋本注內作敝又廣雅上有廣蒼無也字

張揖曰忱竝云支傍作刀劒之刀亦是劓字不知蔣氏自造支傍作筋力之力或借劓字

終當音九僞反

晉中興書

隋書經籍志七十八卷起東晉宋湘東太守何法盛撰

大山羊曼常頽縱任俠

飲酒誕節兗州號爲轄伯

晉書羊曼傳曼字祖延任達頽縱好飲酒溫嶠等同志友善並爲中興名

士時州里稱陳雷阮放爲宏伯高平郗鑿爲方伯泰山胡毋輔之爲達伯濟陰卞壺爲裁伯陳雷蔡謨爲朗伯阮孚爲誕伯高

平劉綬爲委伯而曼爲轄伯兗州八伯蓋擬古之八僞其後更有四伯大鴻臚陳雷江泉以能食爲穀伯豫章太守史疇以

太肥爲笨伯散騎郎高平張嶷以狡矣爲猾伯而此字皆俗本曼弟聃字彭祖以狼戾爲瑣伯蓋擬古之四凶

無音訓梁孝元帝嘗謂吾曰由來不識唯張簡憲見教呼爲嚙

羹之嚙

補禮記曲禮上毋嚙羹音他合切

自爾便遵承之亦不知所出簡憲是

湘州刺史張纘諡也

梁書張纘傳纘字伯緒緬第三弟也爲岳陽王譽所害元帝承制贈侍中中衛將軍

開府儀同三司

江南號爲碩學案法盛世代殊近當時耆老相傳

顏氏家訓

卷六

末

津南麗氏孝義家塾叢書

俗閒又有齶齶語

宋本齶齶之下語字之上有音沓二大字今本改作小字各本無補段云音沓語謂音沓

語之沓也文弼案段氏之說古誠有之顏氏卻無此文法且方辨齶伯之音何必於俗閒之言先爲之作音乎此本謂俗閒有

齶齶之語耳

宋本不當從

蓋無所不施

見非無所不容之意也

補案今謂多言者爲

佗佗語語荀子正名篇愚者之言勃然而振噴然而不類語語然而沸與顏氏所解不同顏氏自謂當時人語意如此必不誤

也今人堆物亦云沓沓與無所不容意頗近

之若無所不施與孟子所言似亦相近也

顧野王玉篇

唐書經籍志三十一卷陳左將軍顧野王撰

誤爲黑傍沓顧雖博物

猶出簡憲孝元之下而二人皆云重邊吾所見數本竝無作黑

者重沓是多饒積厚之意從黑更無義旨

古樂府歌詞先述三子次及三婦婦是對舅姑之稱

補尺其末證切

章云丈人且安坐調絃未遽央

樂府清調曲相逢行相逢狹路間道隘不容車不知何年少夾

穀問君家君家誠易知易知復難忘黃金爲君門白玉爲君堂
堂上置尊酒作使邯鄲倡中庭生桂樹華燈何煌煌兄弟兩三
人中子爲侍郎五日一來歸道上自生光黃金絡馬頭觀者盈
道傷入門時左顧但見雙鴛鴦鴛鴦七十二羅列自成行音聲
何嗷嗷鶴鳴東西廂大婦織綺羅中婦織流黃小婦無所爲挾
瑟上高堂丈人且安坐調絃詎未央補案詎未央必本是未渠央渠
末云丈人且徐徐調絃詎未央補案詎未央必本是未渠央渠
與遽音義同故顏卽引作未遽央若詎之訓爲豈豈未央則是
已過中矣不與詩意大相左乎詩小雅庭燎曰夜未央箋云夜
未央猶言夜未渠央也詩意本此若巨字亦可讀爲渠漢書高
帝紀項伯告羽曰沛公不先破關中公巨能入乎服虔曰巨音
渠猶未應得入也案服氏之解最妙言公遽能入乎乃顏師古
轉以服說爲非而讀巨爲詎言公豈能入乎語
索然矣與改詩爲詎未央者其見解正相似耳

舅姑旦夕在側與兒女無異故有此言丈人亦長老之目今世
俗猶呼其祖考爲先亾丈人又疑丈當作大北閒風俗婦呼舅
爲大人公句丈之與大易爲誤耳近代文士頗作三婦詩乃爲

匹嫡竝耦己之羣妻之意又加鄭衛之辭大雅君子何其謬乎

補宋南平王鑠始仿樂府之後六句作三婦豔詩猶未甚猥褻也梁昭明太子沈約俱有良人且高臥之句王筠劉孝綽尙稱丈人吳均則云佳人至陳後主乃有十一首之多如小婦正橫陳含嬌情未吐等句正顏氏所謂鄭衛之辭也張正見亦然皆大失本指梁元帝纂要楚歌曰豔

古樂府歌百里奚詞曰百里奚五羊皮憶別時烹伏雌吹扃扃

補余染余之二切今日富貴忘我爲樂府解題引風俗通百里奚爲秦相堂上樂作所賃澣婦自言知音

呼之搏髀援琴撫絃而歌者三問之乃其故妻還爲夫婦也此所舉乃其首章吹當作炊糞之炊案蔡

邕月令章句隋書經籍志月令章句十卷漢中郎將蔡邕撰曰鍵關牡也宋本又有牡字衍

所以止扉宋本有也或謂之剡移然則當時貧困并以門牡木

作薪炊耳聲類作扃宋本有扃字衍同上聲類又或作扃玉篇

通俗文世閒題云河南服虔字子慎造虔既是漢人其敘乃引

蘇林張揖蘇張皆是魏人且鄭玄以前全不解反語補反與翻同下同

通俗反音甚會俗本作爲非近俗阮孝緒又云李虔所造河北此書

家藏一本遂無作李虔者段云李密一名虔見李善文選注晉中經簿已見前及

七志隋書經籍志王儉又換七志一曰經典志紀六藝小學史記雜傳二曰諸子志紀今古諸子三曰文翰志紀詩賦四

日軍書志紀兵書五曰陰陽志紀陰陽圖緯六曰術藝志紀方技七曰圖譜志紀地域及圖書其道佛附見合九條竝無

其目竟不得知誰制然其文義允愜實是高才殷仲堪常用字

訓同上梁有常用字訓一卷殷仲堪撰亦引服虔俗說今復無此書補復扶又切未

知卽是通俗文爲當有異近代或更有服虔乎不能明也

或問山海經夏禹及益所記而有長沙零陵桂陽諸暨如此郡

縣不少以為何也

漢書地理志長沙國秦郡零陵郡武帝元鼎六年置桂陽郡高帝置會稽郡秦置有諸暨

縣 荅曰史之闕文為日久矣加復秦人滅學

史記秦始皇本紀丞相李斯請史官

非秦記皆燒之非博士官所職天下敢有藏詩書百家語者悉詣守尉雜燒之有敢偶語詩書者棄市令下三十日不燒黥為城董卓焚書後漢書董卓傳遷天子西都長安悉燒典籍錯亂

非止於此譬猶本草神農所述

隋書經籍志神農本草八卷又四卷雷公集注而有豫

章朱崖趙國常山奉高真定臨淄馮翊等郡縣名

漢書地理志豫章郡高帝

置合浦郡武帝元鼎六年開縣五有朱盧續志作朱崖趙國故秦郡鄆郡高帝四年為趙國常山郡高帝置泰山郡高帝置縣二十四有奉高真定國武帝元鼎四年置齊郡縣十二有臨淄師尚父所封左馮翊故秦內史武帝太初元年更改出諸

藥物爾雅周公所作

唐陸德明經典釋文序錄爾雅釋詁一篇益周公所作釋言以下或言仲尼所增子

夏所足叔孫通所益梁文所補張揖論之詳矣

而云張仲孝友

小雅六月篇

仲尼修春秋而

經書孔丘卒

春秋哀公十有六年夏四月己丑孔某卒杜注仲尼既告老去世位猶書卒者魯之君臣宗其聖德殊

而異世本左丘明所書

元注此說出皇甫謐帝王世紀漢書藝文志世本十五篇古史官記黃帝以來

訖春秋時

而有燕王喜漢高祖汝家瑣語乃載秦望碑

晉書束皙傳太

康二年汲郡人不準盜發魏襄王墓或言安釐王冢得竹書數十車有瑣語十一篇諸國卜夢妖怪相書也史記秦始皇本紀

三十七年上會稽祭大禹望于南海而立石刻頌秦德

蒼頡篇李斯所造而云漢兼天下

海內并厠豨黥韓覆畔討滅殘

補陽湖孫淵如定作殘滅以顏氏爲非

列仙傳劉

向所造而贊云七十四人出佛經

補今所傳本七十人分江妃二女爲二亦止七十一人贊

無出佛

列女傳亦向所造其子歆又作頌

隋書經籍志列女傳

家注列女傳頌一卷劉歆撰

終於趙悼后

補趙悼后趙悼襄王之后也史記趙世家集解徐廣引列女傳曰

邯鄲而傳有更始韓夫人

後漢書劉聖公傳聖公爲更始將軍後卽皇帝位寵姬韓夫人尤嗜酒每

侍飲見常侍奏事輒怒曰帝方對我飲正用此時持事來乎起抵破書案列女傳所載略同明德馬后見及

梁夫人嬖

列女傳梁夫人嬖者梁竦之女樊調之妻漢孝和皇帝之姨恭懷皇后之同產姊也恭懷后生和帝竦后

欲專恣乃誣陷梁氏後竦皆由後人所屏非本文也

沈氏攷證

后崩嬖從民間上書訟焉

相嗣也一曰相出前也初限切

隋書經籍志東宮舊事十卷

何以呼鴟尾爲祠尾荅曰張

倣者吳人不甚稽古隨宐記注逐鄉俗訛謬造作書字耳吳人

呼祠祀爲鴟祀故以祠代鴟字

俗本脫宋本有

呼紺爲禁故以系傍作

禁代紺字

補說文系讀若覩莫秋切各本作系乃繫字譌

呼蓋爲竹簡反故以木傍作

屨

各本有以字衍

代蓋字呼鑊字爲霍字故以金傍作霍

宋本作霍代鑊字

又金傍作患爲鑲字木傍作鬼爲魁字

俗本魁作槐案說文槐從木鬼聲則是正體當

如此宋本作魁說文羹斗也今火傍作庶爲炙字既下作毛爲

以槐爲魁方是誤故定從宋本

髻字金花則金傍作華窻扇則木傍作扇諸如此類專輒不少

又問東宮舊事六色罽纒是何等物當作何音荅曰案說文云

若牛藻也讀若威音隱塢瑰反沈氏攷證說文若牛藻也從

引不同未詳補隋書經籍志說文音隱四卷宋本此書音隱下

有疑是罽字四字此不知音隱是書名誤認爲若字作音曰沈

氏攷證亦但疑案隕與塢瑰有異則此當又在沈之後校者所

加非出沈氏今故刪去至渠隕切乃徐鉉等所加不可爲據音

隱所音正與讀宋本所謂聚藻葉如蓬者也隋書經籍

若威合當從之程令吳郡陸機撰補經典釋文序錄陸機字

木蟲魚疏二卷烏程令吳郡陸機撰補經典釋文序錄陸機字

元恪吳太子中庶子烏程令案諸書多有作陸機者無妨二人

同名顏氏所引語在詩又郭璞注三蒼亦云蘊藻之類也細葉

召南予以采藻句下

蓬茸生句然今水中有此物一節長數寸細茸如絲圓繞可愛

長者二三十節猶呼爲蒼

補今人俱呼爲蘊與
威音亦一聲之轉

又寸斷五色絲

橫著線股閒繩之

補著側
略切

以象蒼草用以飾物卽名爲蒼於時

當紺六色屬作此蒼以飾緹帶張敞因造糸笄畏耳宜作隈

補

別本說絲宋本作系亦訛今改正末云宜作隈隈字似當作蒼
重校正今案非也隈下或本有音字脫去耳以荅其縷是何音

也之問

柏人城東北有一孤山古書無載者

補柏人漢縣晉以前皆屬
趙國隋書地理志改爲柏

鄉屬

惟闕駟十三州志

隋書經籍
志十卷

以爲舜納于大麓卽謂此山

其上今猶有堯祠焉世俗或呼爲宣務山或呼爲虛無山莫知

所出趙郡士族有李穆叔季節兄弟李普濟亦爲學問竝不能

定鄉邑此山余

宋本作
余誤

嘗爲趙州佐

通典趙國後魏爲趙郡開
帝兼置殷州北齊改殷州

爲趙州

共太原王邵讀柏人城西門內碑碑是漢桓帝時柏人縣

民爲縣令徐整所立銘曰山

補舊本並作土今案當作山

有巉嵒

俗本作務山二字宋

本無山字段云當作嵒案隋地理志作巉嵒山然正字當作嵒

王喬所仙

列仙傳王子喬者周靈王太子晉也遊伊

洛之間道人浮邱公接以上嵩高山

方知此巉嵒山也

嵒諸本皆作務下同今案文義改

巉字遂

無所出嵒字依諸字書

字俗本訛子今從宋本

卽旄丘之旄也旄字字林

一音亾付反

補詩旄邱釋文字林作莖亾周反又音毛山部又有嵒字亦云嵒邱亾付反又音旄

今依附

俗名當音權務耳入鄴爲魏收說之收大嘉歎值其爲趙州莊

嚴寺碑銘因云權務之精卽用此也

或問一夜何故五更更何所訓

補五更古衡切下更古孟切除此一字外下皆古衡切

答

曰漢魏以來謂爲甲夜乙夜丙夜丁夜戊夜

補文選陸佐公新刻漏銘六日無辨

五夜不分李善注引衛宏漢舊儀曰晝漏盡夜漏起省

又云鼓

中用火中黃門持五夜甲夜乙夜丙夜丁夜戊夜也

此鼓一鼓二鼓三鼓四鼓五鼓亦云一更二更三更四更五更

皆以五爲節西都賦亦云衛以嚴吏之署

西都賦班固作辭綜注西京賦曰嚴吏督

行夜所以爾者假令正月建寅

補令力呈切

斗柄夕則指寅曉則指

午矣自寅至午凡歷五辰冬夏之月雖復長短參差

補復扶又切參差初

金初宜二切

然辰閒遼闊盈不過六縮不至四進退常在五者之閒

更歷也經也故曰五更爾

爾雅云朮山薊也郭璞注云今朮似薊而生山中

補朮徒律切薊古帝切

案朮葉其體似薊近世文士遂讀薊爲筋肉之筋以耦地骨用

之恐失其義

補筋居勤切本草枸杞一名地骨

或問俗名傀儡子爲郭秃有故實乎荅曰風俗通云諸郭皆諱

秃

此語今逸

當是前代人

二字宋本作世

有姓郭而病秃者滑稽戲調

補徒弔切

宋本誤倒作調戲今不從

故後人爲其象呼爲郭秃猶文康象庾亮耳

補段安節

樂府雜錄傀儡子自昔傳云起於漢祖在平城爲冒頓所圍陳平造木偶人舞於陣間冒頓妻闕氏謂是生人慮下其城冒頓

必納妓女遂退軍後樂家翻爲戲其引歌舞有郭郎者髮正秃善優笑閭里呼爲郭郎凡戲場必在俳兒之首也沈氏攷證晉

書亮本傳謚文康案文康亦當時樂曲名冒頓音墨突闕氏音烟支宋本連下不分段今從俗間本補注通典樂六禮畢者本

自晉太尉庾亮家亮卒其後追思亮因假爲其面執翳以舞象其容取謚以號之謂文康樂每奏九部樂歌則陳之故以禮畢

名爲

或問曰何故名治獄參軍爲長流乎

隋書百官志後齊制上上州刺史有外兵騎兵長流

城局刑獄等參軍事

荅曰帝王世紀云帝少昊崩其神降于長流之山

注元

此事本出山海經流作雷補西山於祀爲秋

元注此說本於月令案周禮

秋官司寇主刑罰長流之職漢魏捕賊掾耳晉宋以來始爲參

軍上屬司寇故取秋帝所居爲嘉名焉

補晉書職官志縣有獄小史獄門亭長都亭長

賊捕掾等員

客有難主人曰

補難乃旦切

今之經典子皆謂非說文所言

宋本子作明

皆云是然則許慎勝孔子乎主人拊掌大笑應之曰今之經典皆孔子手迹耶客曰今之說文皆許慎手迹乎荅曰許慎檢以

六文貫以部分

補六文卽六書分扶問切許慎說文序錄周禮入歲入小學係氏敘國子先以六書一曰指事

視而可識察而可見上下是也二曰象形畫成其物隨體詰詘日月是也三曰形聲以事爲名取譬相成江河是也四曰會意比類合誼以見指搆武信是也五曰轉注建類一首同意相受考老是也六曰假借本無其字依聲託事令長是也又曰分別

部居不相雜廁凡十四篇五百四十部九千三百五十三文重
一千一百六十三解說凡十三萬三千四百四十一字其建首
也立一爲端方以類聚物以羣分同條牽屬共理相貫雜而使
不越據形系聯引而申之以究萬原畢終於亥知化窺冥

不得誤誤則覺之孔子存其義而不論其文也先儒尙得改

作臨今文從意何況書寫流傳耶補鄭康成注易苞蒙苞當作

從宋本彪苞荒荒當作康枯楊之枯讀爲无姑皆甲宅之皆讀爲倦解其於三禮或從古文或從今

文杜子春二鄭於周禮亦時以意屬讀此所謂改文從意者也

必如左傳止戈爲武左宣十二年傳楚重至於郟潘黨曰君盍

示子孫以無忘武功楚子曰左宣十五年傳伯宗曰

非爾所知也夫文止戈爲武左昭元年傳晉侯有疾秦伯

妖民反德爲亂亂則妖左昭元年傳晉侯有疾秦伯

災生故文反正爲乏左昭元年傳晉侯有疾秦伯

疾如蠱趙孟曰何謂蠱對曰淫溺惑亂之所生也於文皿蟲爲

蠱穀之飛亦爲蠱在周易女惑男風落山謂之蠱三皆同物也

亥有二首六身之類

左襄卅年傳晉悼夫人食與人之城杞者

使之年曰臣生之歲正月甲子朔四百有四十五甲子矣其季於今三之一也吏走問諸朝史趙曰亥有二首六身下二如身是其日數也士文伯曰然則後人自不得輒改也安敢以說文二萬六千六百有六旬也

校其是非哉且余亦不專以說文爲是也其有援引經傳與今

乖者未之敢從俗本分段今從宋本連又相如封禪書曰導一莖六穗於

庖犧雙貉共抵之獸漢書司馬相如傳相如既病免家居茂陵天子使所忠往求其書而相如已死其妻

曰長卿未死時爲一卷書曰有使來求書奏之其書言封禪事注鄭氏曰導擇也一莖六穗謂嘉禾之米於庖廚以供祭祀服

虔曰犧牲也貉角也抵本也武帝獲白麟兩角共一本因以爲牲也補案作導者漢書也文選從之史記則作導字貉古百切

此導訓擇光武詔云非徒有豫養導擇之勞是也後漢光武紀建武十三年

正月詔曰往年已勅郡國異味不得有所獻御今猶未止非徒有豫養導擇之勞至乃煩擾道上疲費過所其令太官勿復受

而說文云導諸本作導是禾名引封禪書爲證無妨自當有禾

諸本作導

名彙非相如所用也禾一莖六穗於庖豈成文乎縱使相如天

才鄙拙強爲此語

補強其兩切

則下句當云麟雙觝共抵之獸不得

云犧也吾嘗笑許純儒不達文章之體如此之流不足憑信

補案

藁是禾名亦有擇義凡一字而兼數義者說文多不詳備若如顏氏之說則其書之窒礙難通者多矣豈獨此乎大抵

服其爲書隱括有條例剖析竊根源鄭乎注書往往引其爲證若不信其說則冥冥不知一點一畫有何意焉

案下當分段

世閒小學者不通古今必依小篆是正書記凡爾雅三蒼說文

豈能悉得蒼頡本指哉亦是隨代損益耳

互同諸本作各

有同異西晉

已往字書何可全非但令體例成就不爲專輒耳考校是非特

須消息至如仲尼居三字之中兩字非體三蒼尼芴益丘說文

尸下施几

諸本皆作居下施几誤今改正補說文尸處也从尸得几而止孝經曰仲尼屍屍謂閒屍如此案今之居

字說文以

如此之類何由可從補顏氏此言洵通人之論也庸俗之人全不識字固無論已有

能畱意者

率欲依傍小篆盡改世閒傳授古書徒然駭俗益為

不學者所藉口

顏氏所云特須消息者吾甚躋其言且以漢人

碑版流傳之字亦多互異何可使之盡遵說文晉魏已降鄙俗

尤多若盡改之几經昔人所指摘者轉成虛語矣故頃來所梓

書非甚謬者

不輕改也古無二字又多假借以中為仲以說為悅以召為

邵以閒為閑如此之徒亦不勞改自有訛謬過成鄙俗亂笏為

元注胡官反案俗本注音館非

舌揖下無耳鼃鼃從龜奮奪從翟

上安西鼓外設皮鑿頭生毀離則配禹壑乃施豁巫混經笏臬

分澤片

補家語困誓篇望其墮罕如也荀子大略篇作臬如也如此尙多

獵化為獺

元注音葛獸名出山

海經案

宋本音曷非補賈蓋書勢卑篇不獵猛獸而獺田彘所獵得毋小是以獺為獵也

寵變成寵

元注音動音郎動

反孔也故从穴補從穴者窟窟

業左益片

諸本作益土段云土字誤當本是片字業

俗作牒

見廣韻靈底著器率字自有律音強改爲別單字自有善音輒

析成異如此之類不可不治

補治直之切

吾昔初看說文蚩薄世字

從正則懼人不識隨俗則意嫌其非略是不得下筆也所見漸

廣更知通變救前之執將欲半焉若文章著述猶擇微相影響

者行之官曹文書世間尺牘幸不違俗也

補今常行文字如中間從日餘巨亦從日

第但從辨准許從爾點去十橋柿從

而之類亦難違俗也案下當分段

案彌互字從二閒舟詩云互之秬秬是也

大雅生民之篇補互古鄧切本作互今

之隸書轉舟爲日而何法盛中興書乃以舟在二閒爲舟航字

謬也春秋說以人十四心爲德詩說以二在天下爲西

補春秋說詩說

皆緯書也今多不傳德本作惠乃直漢書以貨泉爲白水真人

心也酉本作帶二說所言皆非本說後漢書光武帝紀論王莽篡位忌惡劉氏以錢文有金刀故改

爲貨泉或以貨泉字文爲白水真人補案眞字說文从匕乃變

化字从目从匕音偃入所乘載新論以金昆爲銀補桓譚新論

也貨字下從貝與眞字不同也錕鐻字木亦作國志以天上有口爲吳勸西使張奉曰蜀者何

昆吾非銀也也有犬爲獨無犬爲蜀橫目句身虫入其腹奉曰不當復說君

吳邪綜應聲曰無口爲天有口爲吳君臨萬邦天子之都補案

吳字下從女阻力切說文傾頭也今晉書以黃頭小人爲恭恭

以爲天謬矣惜張奉不能舉而正之五行志上恭狂京口民間忽云黃頭小人欲作賊阿公在城下

指縛得又云黃頭小人欲作亂賴得金刀作蕃扞黃字上恭字

頭也小人恭字下也尋如謠者言焉補案恭字上從其下從心

黃字本作黃說文从田从共共古文光今以恭爲黃頭小人非

字義又案宋志忽云當宋書以召刀爲劭諸書多作劭譌案文

作忽謠云脫一謠字傳元凶劭字休遠文帝長子始興王濬素仗事劭與劭並多過

失使女巫嚴道育爲巫蠱上大怒搜討不獲謂劭容已當斥遣

道育而猶與往來惻悵惋駭欲廢劬賜濬死濬母潘淑妃以告
濬濬馳報劬劬與腹心張超之等數十人及齋閣拔刃徑上超
之手行弑逆劬卽僞位世祖及南譙王義宣隨王誕諸方鎮並
舉義兵劬濬及其子並梟首暴尸其餘同逆皆伏誅南史文帝
諫開中生劬初命之曰劬在文爲召刀後惡焉改刀爲力補案
召劬作刀只有劬字廣雅斷也音貂必不以此命名蓋本是劬
字從刀子結切高也而隸書之刀文頗近刀故改從力以易之
應邵王劬亦本從刀今多有刀旁作者從刀訓高從力訓勉兩
字皆說文所有而當時以刀爲刀參同契以人負告爲造補參
故顏氏以爲謬爾今南史亦皆誤下篇魏伯陽自敘寓其姓名末云柯葉萎黃失其華榮吉人乘
負安穩長生四句合成造字今顏氏云人負告豈人負吉之訛
如此之例蓋數術謬語假借依附雜以戲笑耳如猶二字轉

貢字爲項以叱爲七安可用此定文字音讀乎潘陸諸子離合

詩賦

晉潘岳離合詩云佃漁始化人民穴處意守醇樸音應律呂桑梓被源卉木在野錫鸞未設金石弗舉害咎蠲消吉

德流普谿谷可安奚作棟宇媯然以嘉焉懼外侮熙神委命已
求多祐嘆彼季末口出擇語誰能默誠言喪厥所壘畝之諺龍

潛巖阻步義崇亂少長失敘乃拭卜破字經沈氏攷證隋書經

思揚容姬難堪六字陸詩未見籍志有破字要訣

一卷又有式經一卷拭卜破字經未詳云拭乃拭字之訛是

卜者所用之盤楓天棗地漢書王莽傳內有此字本亦作式漢

書藝文志有羨門式法及鮑昭謎字宋鮑照集字謎三首云二

破字卽今之拆字也形一體四支八頭四八二

八飛泉仰流乃井字頭如刀尾如鉤中央橫廣四角六抽右面

負兩刃左邊雙屬牛乃龜字乾之一九隻立無偶坤之二六宛

然雙宿皆取會流俗不足以形聲論之也重校正宋

乃土字本無之字河閒邢芳語吾云補語牛賈誼傳云日中必焚注焚暴也會見

人解云此是暴疾之意正言日中不須與卒然使吳耳此釋爲

當乎補卒與粹同吾謂邢曰此語本出太公六韜漢書注臣瓚

當丁浪切中不焚是謂失時操刀不割失利之期此卽六韜文音案字

衡補注文韜守土篇日中必焚操刀必割今本焚譌慧

書古者暴曬字與暴疾字相似唯下少異後人專輒加傍日耳

言日中時必須暴曬不爾者失其時也晉灼已有詳釋芳笑服而退

顏氏家訓

卷木

七

渭南嚴氏孝
羊我家塾叢書

顏氏家訓卷第六終

渭南嚴式誨勸鑄

成都龔道耕重勸